



聽侍其雲叟琴

君家建鄴城東頭捲簾卧對長淮流除書謗書不到
 耳空洞腹中無片愁白浪從高瓦棺閣清夜無人響
 猿鶴琴聲復時一挑之北斗橫天月將落御風過我
 故山岑一寫太古之清音當春風動烏淒緊波底時
 聞龍一吟坐觀人琴成二妙覺來形穢顏枯槁伯牙
 袖手意有餘清公臨流一舒嘯

聽程道士琴

鷓絃鐵撥世多有玉箏銀甲嗟凡陋平生綠綺醒心
 泉淨洗耳根端不朽鍊師霜髭已滿頤履霜坐彈霜



葉飛腐儒凍餒非所惜物物願荷皇天慈

演上人以權詩示余歸其卷演師氏系以長句

花縣潘郎未白頭下從玉局仙翁遊平生四海旣
守脫冠壞衲藏深幽死生俱在天一角句法不復陰
梁州眼明得此道人演更遣權詩遞世眼喚起蘄春
十年夢恍如神明還奮觀黑栢蒼鷹飽欲飛天馬嘶
芻方來漢演翁自是塵外客筆端秀句應無敵禪餘
軋軋弄鳴機紫鳳天吳亂紅碧會當載月漾舟來盡
出公家金粟尺

觀呂居仁詩

西風鑿暑功夫深老火由來欺稚金蠻花缺月午夢
短伐翳正爾開蓬岑忽看僧珍五字句妙想寔與神
明聚清如明月東澗泉壯如玄豹南山霧抑揚頓挫
百態隨鷲鳥欲舉風迫之莫言持此黃初詩直恐竟
亦不能竒老懷凜凜受霜氣想見此即冰霜姿鄙夫
好詩如好色嫣然一笑可傾國擊節歌之侑歡伯枉
中安得看此客此客不肯緹塵霧况復世網如蛛絲
秋空橫河鵬鷲上不許蜂蝶同所歸漢家太尉死宗
社大鳥泣墳天所借謝傳未吐活國謀賞恨懷竒赴
泉下僧珍向來期此人頽波砥柱妙入神要當疊此

湘水濱喚起猶足張吾軍

曉發琳山晚會于湖光亭

琳山寺前雨翻盆
辟邪渡頭爭渡喧
湖光主人敬愛客
解裝咄嗟開酒樽
江城花盡柳亦老
薄暮歡娛憐草草
殷勤爲喚兩紅顏
始知人好鳥還好
班班鬢間少黑絲
客中不復憂心掣
阻酒中聖少年時
江湖放浪真忘歸
老來頗喪丈夫勇
心隨暝鳥投林飛

謝人見過

門無襜褕軒車過
草廬寂寂南陽卧
夫君掀髯來扣閤
不減昔日陳驚座
肉食者鄙無遠謀
喜君義氣橫

霜秋已省猷策尊
王室白筆應須上黑頭

遭風濤神林浦

伐鼓放船落星渚
爭曙息鴻集儔侶
乾旋坤轉風掀掀
陽候就戮波臣怒
廬山孤嘯政排空
複閣重樓欲無路
水蟲瑣細何足云
竊發馮陵敢予侮
長年吞聲三老悲
老妻驚呼稚子啼
病軀不能自料理
袖手懸知鑿粉期
謝公吟嘯吾豈敢
興公悲號差勝之
寒道百甕未渠盡
猶得餘生見昏覲
歸帆行將拂五老
要及霜風快鴈隼
徑須作牋寄魴鱖
行路艱難公莫遽

南至日離同安舟中寄阿弓

去年閏冬亦戒塗北風吹雪邾城隅八字山頭駕高
浪曙角更聽吹單于今年南至又行役蕭寺佛香僧
飲俱身在瀟湘黃茂舫眼看惠崇歸鴈圖絪懷吾家
之季子細酌明窓愁欲無詩腸定遭酒媒孽語作曉
霜推槁梧漫將長句代作草河凍難求隻鯉魚歸期
不落蜡賓後行李困來頻寄書

夜宿寶巖寄寇李二鍊師兼懷王環中

北風驅雲度危嶠日下蒼茫煙靄橫山靈喚客起杖
屨定自不凡焉此行山南冥搜不得妙山陰問津向
猿鳥遙岑疊疊羅峻屏溪流濺濺鳴楚調眼明全椒

道士家丹砂入頰暎朝霞談間勃窣妙理窟挽不聽
去猶欲遞縹思右轄千丈松眉宇中藏嵇阮風放船
雲夢鬼作崇崇碓磊仆卧洪濤中此翁身大不及胆引
帆復逐天邊鴻淵宗堂中柱史裔黃鵠作雛欺鶴唳
衣裾不著京洛塵潛心涪翁哦五字相逢俄頃復解
携韻勝遣人增想似僧窓夢短夜復長句挾寒霜聊
可寄

寄崇書記

窮山歲晚滿烟雨欣逢支公會心侶斲詩已度曹劉
前談玄復恃教函固寒廳夜寂斗正橫衰懷徑協滄

州趣新章頓挫兵出奇遙隨歸鴈下烟渚曾中書傳
要扶疎筆端聯翩將脫兔淵淵搃就漁陽慘遽作回
帆聽鳴鼓明窓試翫老髯語黃鵠看君響長阜山陰
傲吏有僧珍水鏡湛然當見許

寄甘露滅

道人欲居甘露滅年來寄食溫柔鄉開單展鉢底事
遠舉案齊眉風味長我衰日涉甘岑寂頗遭霜刺頤
長出願隨魚鼓供伊蒲一墮塵網誰能力要知在欲
是行禪久聚荷花顏色鮮秋濤風怒何掀掀莫倒危
檣沉法船

寄何生

爛羊都尉本不惡鬪雞開府無處著天祿諸君盡貴
游據鞍上馬能不落何郎未免儒生酸於此政復不
作難但公剩著潛天論何須頭上鷓鴣冠

懷秦處復用山谷韻

秦髯昨首長沙路捨舟來甘餘霜兔翻憶淮山雞黍
秋二十年來穿幾屨衣如懸鶉氣栩栩足垢頭脂葳
妙處欲買桑柘閭里歡却乘舴艋江湖去似尋劍客
蛻塵埃北走南遊未安渚去年籬橘今又黃安得同
嘗喫香霧

遊雲居歌

岷峨秀氣凌太白諸峯彈壓流輩佰右軍昔爲懷古
困此心勇往曾未識羊家叔子端可人峴山何爲若
傷神多情賴有鄒從事與山不磨有遺味平生尋幽
幾履穿始知歐峰峰外天捫參歷井出鳥道耳邊河
漢聲潺湲千古追懷同一律神明還觀悲節物兩卽
凜凜安能來定於何處埋爾骨往時弘覺大道場心
淨無塵聞妙香幽禪寂寂師絜可高韻卓卓凌羲黃
九原蕪沒那能作勝日良游自不惡靈雲野桃初著
花鼻祖栢子僧前落玉函貝葉渡流沙法筵復雨曼
殊花充虛解戰天皇餅破魔驚睡趙州茶世網嬰人
太煩促桑下安眠戒三宿柴扉草閣空歸來大梁推
枕黃梁熟

玉花驄

杜陵純唱驄馬行想見躡雲噴玉聲龍眠貌出姿態
橫香羅覆背紅汗透如行沙苑秋風瘦我羨芋魁乃
飯豆不愛金羈如此驄深雲一塢住山翁朝霞入頰
常嫩紅

胡少汲名直孺龍舒佳士清修可喜往歲見
之金陵聞除侍御史因作此詩以見意

聞君往年客淮西及見我公無恙時潛山皖水德星
聚天下中庸人表儀川行節往萬事盡我獨流寓東
南涯協洽之歲秋九月買船適詣秦淮湄建康城頭
雞欲曙白下門前烏未飛有客剝啄復剝啄出門一
見忘塵羈晏然野鶴下孤嶼意定吾子初無疑高談
確詎不跛倚養此鬱鬱澗底姿發蒙振落笑餘子招
之不來不可麾判司卑官果難屈脫身遂與蕪楚辭
行行且止避驄馬膽落于地非公誰御鑪烟動天顏
喜柱下雲開春日遲側席愛民如愛子願達民病蘇
瘡痍要使英風觸白獸更遣直氣生青規鄙夫養疾

江漢間有如不信吾誰欺

范家所藏孫知微畫彭祖女禮北斗圖

晴空無塵月在房松間博山沈水香翠眉女子約略
粧兩足亭亭如雪霜步虛之聲風度長紫微北斗忽
低昂金釵何勞十二行不羨盧家丹桂梁凌雲已復
飛羅裳生絹寫照公家藏應憐彩鸞翳鳳凰未能割
愛俱翱翔

戲答梭笋

髯翁落落綠坡竹肥如瓠壺書滿腹好客勤炊燭代
薪中厨羹金仍膾玉春風渺渺生微瀾欲向吳江把

釣竿引帆伐鼓閱三歲候鴈不來衣帶寬阿蠻虎手
能哮吼千金掃除似無帚却甘杞菊侵我畦固窮不
障談天口剩誇梭笋饒生津章就旁搜不獸頻錦綉
嬌兒直欲避紫駝危峰何足陳出爲小草居遠志藜
藿盤中長此味客來不廢董嬌鏡安用凋胡見真意
年來我亦食無魚莫遣此老專懷踰時時酒澆茶萃
尊亂我元蒙俱扶踈

送所借書還王生

鄴侯家藏三萬軸牙籤新若手未觸此翁眼如九秋
鷹一過成誦不再讀愧非元晏獨崢嶸復愧王郎著
論衡案頭螢乾太苦相久假不歸何癡生開州公子
好奇古曾中寶笈森四庫安用鄴侯插架書向來借
我紙上語頻年多病百不如準擬傳書學截蒲還君
一鷓細故爾莫厭時時開鎖魚

題閻立本醉客圖

酒有何好工作病頗怪斯人喜中聖藏身麴蘖勝巖
幽寄愁天上呼不醒春風吹開玉東西月墜參橫斟
酌之吐茵脫帽有妙理眩朱成碧渾忘歸石相丹青
果馳譽幻藥調成疑笑語便覺微綃古意生似聞醉
眠鄉可去半生憂患復蕭條甕中肥遁何須邀一樽

桑落對公等盡解平時藜苒嘲

包虎行

畫師老包氣如虹解衣醉倒塵泥中急呼生絹卧展
轉筆追造化分奇功湏臾奮袂於菟出絕壑陰崖嘯
風月懸着高堂烟霧深觀者膽寒俱辟易誰爲虎子
與魑孫宛陵後葉諸仍昆顧視雄姿亦道緊小犢爾
粟何勞吞通玄論成馱貝葉大空小空隨老衲何暇
與汝同條生玄豹豐孤要彈壓

望呂道士庵居不果往

鍊師精悍極了了穹谷營巢若飛鳥流泉滌盡化緇

塵明窓點存填血腦停策微聞叔夜琴叩閑阻食安
期東我方尋源上河漢目送落日諸峯少抄秋蠟屐
要重來與子相過拾瑤草

食鰻魚戲呈夏侯

君不見吳良齋郡吏歛板居高隨掾史諸郎元日壽
府君觴酒諛言敗人意口戈擊節五馬賢鰻魚百輩
爲君賜又不見江左之褚淵此魚一尾售數千丈夫
須髮果如戟但知堪炙寧論錢平生剛直卧江漢非
吳非褚何由羨療飢漸台亦可悲味比瘡痂良可賤
謂言此物不擬嘗餉我因君累十觴漢陰槎頭推不

御徐州禿尾甘走藏藜莧觴中初未識已覺盤飧慘
無色憑君遺使更函封莫令子羽吟頭責

重遊草堂

德人昔遊居寢處一草一木可敬之涪翁初釋楚道
縛枉道過我臨水湄梵宮三托吉祥卧悠悠東泛長
淮涯牽絲姑熟席未暖鬼瞰高明俄解龜鸚鵡州前
弄晴泚祠宮寄食長江西黃絹碑中發竒禍播遷瘴
海如湘纍天生斯人意有在世或不用將何疑巫陽
下招化黃鵠不遺啄腐誰家鷄前年歲晏到蕭寺開
眼適見鄒松滋涪翁故時得此客今已改色嗟流離

大招淚濕綠坡竹神觀凜凜疑來歸今年森木挂秋
暑鷓鴣鈞鞞向我啼重來野僧零落盡壞帳鼠嚙非
當時過湄柱杖爲小立將暝西山含夕霏

黃岡尉錢紳種蓮其上開軒榜曰超靈蓋取
鮑參軍荷花賦超四照之靈本云

平吳利在獲二陸我得斯人一夔足明光射策卷波
瀾灞橋新詩挾冰玉只因心賞鮑參軍種花欲招十
載蒐筆端有口不倚辦一作待盡付此花生氣存一代
風流幾頓盡漢官威儀聊復正覓句何勞夢惠連解
頤未用呼匡鼎秋風蘋末助颼颼花應須讓一頭何

必嘉陵種嘉橘始擬人問千戶候

東庵舒老出徐兪圖障求詩章末兼戲行叟
宛陵包虎天下無徐生之兪畫作殊眼明忽見此黎
者在筭不獨藏於菟平岡雄兔脚撲朔草樹深煙紛
漠漠懸知丹青相拂斫不怕蒼鷹頭戴角坡坳雌兔
眼迷離拊憐大兪携小兪啣粟分甘且療飢學母由
來無不爲東菴道人念俱寂遣予不復嘲熟客生絹
新圖聊一出便覺野風來四壁絢懷中有衣褐徒不
牙不角真跌居莫令舉網拔豪族湯沐管城還自娛
黑頭歸來能自了巖壑猶堪伴猿鳥

題伯時所畫邵平種瓜圖

邵平湯沐故千戶解組投林如脫兔勒銘鼎彝屬伊
人我方荷鋤斲烟雨瓜田鈎帶蓋阡陌大者輪囷細
旁午轂函設險吾何補日日青門自成趣槿籬半破
復牽蘿夕霏晚晚留踈樹娟然翠氣出眉嫵喜得斯
人慰遲暮劇談欲寫塊磊胃尚恐軒昂作莊語畫師
紛紛何足數對此令人重毫素陽陵公子傲雪林灑
落由來足風露自言購取傾家貲柴桑要伴歸來賦
兩卽後先千載餘粉墨相追叶風度懸之素壁足卽
壑噉噉猿啼起寒霧

題盧鴻草堂圖

大室幽雲織翠微
盧生草堂雲作扉
陰崖絕壑鳥跡稀
扶藜縱觀拂雲霓
心知丹轂赤吾族
要須愛身如愛玉
三十六峯幽意足
何必鑑湖分一曲
老仙曾上登封壇
一夜靈生双足間
不知此圖筆筆妙
巖巖映帶冰霜顏
集賢學士從省歸
僧床卧觀畫掩扉
繡鞍那補塵化緇
不如盧郎駕鴻飛
老生蒼顏今採薇
故山風煙常滿衣
眼明見此社中客
盡謝東阡與西陌

題包虎枕屏

兩虎肉醉欲醒時
肌腸得飽恣遊嬉
一虎當岩自哮吼
朝歛食子暮食妃
最後一虎絕長者
坐歎眼有百步威
豺狼當道正須汝
莫尋鬼徑問狐狸

列尊道以古銅爵見歸

何年銅爵姿狀古
如對高人開美度
重雲結疊虺虺雷
透腹循環危欲雨
廣間御風之子孫
世南秘書藏肺腑
縱錢欲炙真垂涎
舉以壽卿吾所許
非無玉舟金巨羅
簡素睨之如糞土
柰何趙璧復來歸
知我懷茲會心侶
拂塵識面如故人口
不能言寔在語細酌
明窓舊索即伴我
微吟度寒暑

吳熙老家風雲圖

秦人屈鼎真畫師胸蟠風雲人得知獨無佳句自潤
色未忍援毫時吐之酒洗塊磊遂倒橐素練忽復翻
淋漓宛如盛怒土囊口颺至霆擊何由追墨雲靈霹
推半岳飛動殆莫窮端倪征人解裝馬伏櫪居人瑾
戶雞亦栖虛堂高掛髮爲立三伏凜凜無炎曦吳侯
憐我慘不樂卷去随手俱清夷乃知非獨畫工妙妄
念起滅分毫厘想當在筭常洵洵不與閔河相蔽虧
會當一雨被八表何用秘藏深密爲

李伯時畫蓮社圖

遠公得名喧宇宙如意舉墮渠不知何爲歎聚野狐

羣依經解義真成癡柴桑老翁挽不留籃輿醉衝烟
靄歸由來却具一隻眼社中不着謝客兒白業許露
消息鼻觀參取初自誰飲光微笑總爲此至今留與
後人疑

題吳成伯家文與可所畫晚靄橫春

湖州手參造化鑪墨君老稚俱扶踈含毫回作晚靄
戲馮軒丹青渾欲無雨聲忽破鳥行急木末尚掛窮
猿呼衰翁將雛來蕩槳挽引斜暉到魚網嵐昏那計
目力長厓傾欵陟天梯往湖州雖仆妙相存此畫他
年人更珍但恐君家風雨夜山川斷取不魚神

病目宴坐

腦脂遮目乏風味宴坐禪床真得計赤眼歸宗近視
之面壁少林聊復爾東坡妙語久猶新治日常存如
治民但學曹叅相齊法清吏王度不無人

晨起

晨起按行瓜芋區園豎畦丁爭殿最蹲鴟墉底未輪
困蒲鴿藤間玄鈎帶錦里先生態度同青門故侯風
味在肥家敢望李衡奴擊彊安用任崇薤累人僅解
口腹嘲貰酒可免尋常債含毫初不爲經竒遣興聊
湏風雨快

韓熙載宴客圖

紫微華屋桂鳥梁中有侍兒宮樣粧閉門投轄醉短
舞牛馬曰風兩相忘翠翹翹掛冠真細事必能作賊
無顧忌堂上燭滅何足云亦期羽林射鵬子當年誰
遣轉鴻鈞終典哀榮厚恩禮西風猶吹建業水直恐
姦魂汚清泚

次山谷荅范信中韻

范君膽勇如季路三穴笑談空狡兔銳頭初無儒生
酸果呼下邳換雙屨往年風義公獨許藥裏追攀險
艱處公隨瘴葉落瘴鄉買舟反骨勞君去少陵未築

未陽墳尚喜宗文有環堵人生萬事何所無極目澄
江鎖寒霧

張翹所畫山水圖

異時頗愛宋元君踏門畫史如雲屯
舐筆和墨太早計解衣槃薄全天真
夢澤張侯飽間暇直疑胃中有成畫
酒酣耳熱呼不醒澹墨淋漓疾揮洒
誰爲右轄賦招魂遠過酸寒鄭廣文
怪底高堂見丘壑欲攀松蘿尋石門
咫尺終南與王屋翩翩不下知黃鵠
水南水北索價高放浪猶歌紫芝曲
張侯愛畫入骨髓腦脂遮眼良有以
筆端刻意寫遺民要似留侯赤松子

如聞可及用王明會須添作貢公喜

賦米芾所畫金山圖

憶昔扁舟帆正落揚子江頭風浪惡
江心樓臺渾欲沉不獨能高瓦棺閣
晚山接天波面平白鷗去邊鐘磬鳴
雲昏上頭不可到往來余懷今未寧
楚狂澹墨掃絹素澄神卧遊知處所
欲披霧牖尋野僧驂騑絕塵走千里
何勞遠處幽并夜漸到潯陽不復前
安得仙山來眼邊斷非毗耶掌中取
真疑壺公謫處天新詩妙畫真有益
張衡南都能畢力不如此詩氣首萃
却使丹青句中識

小憩琵琶亭呈環中養正

香山居士骨已冷
文來風流今來遙
捍撥何勞作胡語
寒江壁月想前朝
濤波竟夕相喧逐
吳檣楚柁爭傾歌
老夫何暇知許事
但欲飲松醪
忽蛤蜊

客有以戲魚竹枕見餉作此謝之

蘄州笛竹含風漪
縹瓷斲月聊相依
白頭苦風癡女問
歲晚乃知非所宜
公從何處得此枕
勁節儲霜餘凜凜
遊戲真同赴壑魚
小窓夕陽助酣寢
餌甘釣深安可圖
長網橫江嗟已踈
我寧低昂弄清泚
絕勝縷功大官厨
莫作枯魚過江泣
寄聲魴鱖慎出入
長伴幽人叢笠眠
夢破寒沙風雨急

同子蒼放船南山石壁下

南山修源何所似
顧癡鋪張側
釐紙酒酣漱墨風
雨來咫尺煙昏一作雲
生萬里
韓侯靜者妙
英姿乃呼扁舟共
遨戲我曹竟墮善
幻中叩舷歌呼但
霑醉寺下回潭疑
不流中有卧石如
潜虬孤峯已銜半
規日連山倒垂波
底浮韓侯風雅才
甚優胷中何止吞
萬牛未向承明草
蓮燭小留南國馴
沙鷗會須喚伏入
天陞尚憶谿邊橫
小舟但願故人俱
厚祿平子不妨吟
四愁

何生復用渠字韵喜予從東坡游作三篇見
寄次韵答之後篇東劉壯輿

嶠南將成金匱書喜又賜環香拂塗萬釘圍腰乃爲
崇慣作臞仙多稿枯元符相國泣前魚長流百粵復
羗胡周漢二宣果明哲金玉王度復閱渠

東坡十年作謗書多情杖屨作歸塗雪堂公去頗削
迹來禽青李皆已枯秋風醉索武昌魚脚敲兩舷聲
函胡只今諸生典刑在他日期公游石渠

水玉堂前十國書君能讀之行坦塗一洗談天千古
舌呂梁大壑何時枯願君不用校魯魚亦須調笑酒

家胡玉局仙翁無浪語大禹以來未有渠

連日大雪

春風吹雪塞寒門飢鳥暮啼寒雀喧此中要是難測
地材堪令僕無復禪引帆上檣中繫乾燒車與船復
延客平生四十四年非頓悟前塵頭半白願隨谿支
水雲鄉蓑衣負雪時鳴榔不知許事付歡伯醉著寒
灘清夢長

張僧繇畫胡僧看經

蒼崖倚天暝色起風微榭葉藏猱子老僧龍眉雪覆
觀梵音清遠發皓齒向來萬法出此經行行春蚓紆

黃紙覲面相呈事儼然歸雲欲渡前溪水

題夏氏萬賞亭

公家文莊佐縣官萬國朝宗天不言桂梁蘭室治私
第鷓鴣建章爭絕倫昭華穠李態度新綠尊翠杓羅
續紛人歸夜臺金狄泣一種風流今尚存小君家聲
自陰后五侯四貴印如斗渠渠夏屋幾百椽誰能近
前畏左右去天尺五付此即詩豪酒聖復專場錦韉
花驄折楊柳霸陵惡少艾如張危亭復閣來南州佳
客爭門陪俊游朱轡見蓋駐五馬巨羅醉擲高陽候
青蛾皓齒動星眸尊前舞罷錦纏頭參橫月落了不

問四并在手吾何憂腐儒蕭然愧環堵藜莧胸中屨
度句頽然被酒燭如虹戲效吳歌歌白紵

戲答賦蚊

江湖白鳥傳自古蟄蟄孫曾亦如許聚雷豈解殷晴
空媒孽耳根良自苦野人睡美不聞鐘草木萃尊森
蟠胃啖膚攻喙漫不省躍躍自喜安足雄若人才高
樂訊評滑稽能發古人興勾引西風塵細虫小醜何
勞霍去病

遊東園戲作長句

久客殊方無味味排遣春愁逐傲戲晚濟吳榜訪東

園欣欣草木多佳氣縹瓷竹葉沃春心黑面酪奴驅
書睡親黨諸郎意氣豪挽強對奕真能事鄙夫魯鈍
獨長吟一聲望帝動歸思

贈吳雲叟

宛城居士如冰雪大藥親逢悟禪悅丹霞正印君得
提洞下靈源渠未絕淨名杜口涉言詮口如布穀意
莫傳心猿睡起六窓淨爲君作戲彈無弦

贈張聖達

人言汝穎多奇士秀潤如君飽風味兩韃馳射不作
難三峽倒流聊復爾平生未識嵩少雲三十六峯巖

整春因君便覺來眼界翻作新詩持餉君

張子和子文以長句送朋壺次韵答之

下自成蹊執桃李此語聊持餉吾子南風吹句落窗
几蕭然出塵天下士詩壇挑戰生一秦窮賸水部好
仍昆氣無萬里照夜白伏櫪騏驎收驚魂荊州但獲
一人半二雋風流眼中見機雲空誇千里尊如公筆
端那復倦我誦懷沙自療飢時時聞出危苦詞鳴蛙
兩部頗娛聽鉅竹千竿端相持督郵雖賤不勤置儼
然真辨絕交事知君風味似建康連壁頓來隨俗吏
漫洗平時過秦胃經醉咄咄成書空見曹烏具明璽

紙欲賦雌蜺吞晴虹懸知在德不在酒耳熱清狂須
酒後客來舉觴不得言舌本因之忘可否擊柝相聞
非路長濤波隔津成兩鄉待我營巢浣花了過君更
僕對繩床

用擬古韵荅瑛上人

劇飲徑須尊有瘦搜攪新詩轉道緊誰知雲窗除饑
男燕坐微吟無繫忍吾衰霧霧滿胸中玩味甘腴真
雋永含毫覓句剽欲酬時有寒泉汲舊井

先成都訪故園得顏家斷壠碑

我生性僻喜客卿有練先書無復羸墨池筆冢聊爾

耳春蛇秋蚓勞譏評正書不數黃庭經况復焦巖瘞
鶴銘永和題尾束高閣醬瓿往往多蘭亭怒貌渴驥
日遠屏嚴家餓隸當吞聲千金敝帚不自見憎鷄愛
鷺何癡生我家成都萬人傑向來古心治金鉄顏公
斷石出糞壤一落眼界清思發政如令嚴亞夫軍中
天夜寂懸明月速頌乞靈向若人運斤成風萬鈞力
筆端寫我剛直曾復與顏公振遺烈

宴清心閣

馬尾垂楊已隨綿春風暴謔惱中年驅車作意訪花
縣地主風流仍更賢倦遊不比長卿慢自迎傑閣開

清宴高談雄辨俯飛鳥急管哀絃徹河漢君候筆端
妙入神百斛炳煥扛龍文承明合受鸞花統何事歛
板趨埃塵清朝好士如好色况茲卓絕流輩百追鋒
看即朝日邊莫道垂綸在幽昊

阻風雨對家市

往時李成寫驟雨萬里古色意毫端聚行人深藏鳥不
度便覺非復鵝溪素龍眠老腕况作陽關北風低草雲
埋山行人客子兩愁絕未信蒲萄能解顏兩即了了
解人意似是畫我封家市戲作新詩排畫睡忽有野
鴈鳴天際

贈中上座

粲可仍孫本吳產萬遍蓮花亦遮眼時時幻作文於
菟寂寥恨得斯人晚我如叔夜七不堪倦書羞學蠹
書蟬已約東湖徐孺子招公山北復山南

贈宗紱上座

蒲萄不飲熊耳杯薰爐甘作橐駝坐曾中皎鏡湛灵
源結習已空花自墮眼明見此除饑男妙語時時零
玉唾稻畦磨衲丈夫事吾獨知之胡不果鈎章棘句
竟何裨徒遣詩人嘲飯顆

觀法華牛闍戲呈戒上座

雞棲子埭晚山碧兩牛偃蹇萬鈞力黃鐘滿脰鳴相
歡歎起緣何作勃敵水枯敗績秋風前穿林敲棘蹊
人田幾無將軍破燕虜適堪衛尉駕車轅碧眼山僧
可人意大牛小牛與穿鼻更須宴坐三十年直待無
鞭更無轡

雪夜書懷

夜烹伏雌歌偈側泰山其頽吾道阨天邊奎壁賈蘇
公諸君徃徃瀕鬻貂帝遣仙儒玉局翁涕下悲吟夜
蕭索冰姿玉立似平生化作人間截肪白黃屋久悟
金滕書豫行溫詔歸遷客嶠南華髮老先生解羈來
卜愚溪宅枉遭越犬吠蒼皇莫吟冰柱要呵責重瞳
雖復達四聰尚恐乘軒多令色短檠花重寒不眠南
望猶嗟萬山隔

蝴蝶詩序并

楊昊明之世家蘇州少孤力學娶同郡江
氏婦翁官江州征市明之畫室與俱來予
於江君既親且舊以故過江君始與明之
相識後一年明之挾冊遊上國抵許州客
食親館一夕暴卒卒之明日有蝴蝶大如
掌許裴回翔舞於江氏旁竟日乃去始聞

訃聚族相與哭蝴蝶復來遠江氏起居飲
食不置也夫明之不得其死未能割愛於
少妻稚子故化蝶以歸爾世之罕聞異事
人之英偉不凡死有遺恨精爽不沒沒能
化物出遊人間以自表見亦可爲流涕者
矣予與明之善故作此詩以悼之云

碧梧翠竹名家兒今作栩栩蝴蝶飛山川阻深網羅
密君從何處能來歸疑君枕肱作壯夢誤隨秋風訪
天涯大兒稍黠兒中虎小兒初學繡帳語青娥皓齒
越中女夜挑錦字停机杼可歎不可思可思不可見

君來翻作昧平生看朱成碧非君面耿蘭作報糧斷
人腸况復崔徽哦洞房不知真是玉人否大鈞刻彫
不可量君不聞蜀天子化爲杜鵑似老烏悲啼清血
百花盡有恨不吐歸黃壚又不見湘纍平生女須罵
空遺離騷萬鈞價楚些許時招不來亦復穿花繞寒
夜願君莫飛入兔園青春粲粲花葉繁雄蜂雌蝶鬧
如雨於君一脚不安

贈詵首座

上人鬚髮森如戟年少曾爲萬人敵父兄膏血染敵
戈晚作梵王門下客西州白氎爛生光來逐鳳栖山

寺涼萬遍蓮花君自足曹溪一滴定須嘗

中秋遇雨夜將半素月流天可愛感予賦詩

雲將長空斲絮晴膚寸而合雨建瓶阿香推車不知
倦雅意望舒無復明地行賤臣未辦訴斜漢左界俄
無聲雖非西園清夜樂起予縹瓷來酌郵舉觴嬋娟
聽我語樽下藉汝攻愁城長令屏翳當令節莫遣楚
氛蔽明月

謝佛鑑大師寄韞玉鑪

道人力參具正眼古廟香爐心已灰平生厚我習氣
在索書常逐征鴻來深藏山谷寔高蹈下視萬象遺
塵埃遣奴餉我此長物不比玳簞餘嫌猜摩娑溫潤
伴玉德荆山抱璞真良材妙香起處侑茶鼎媒藥萬
壑生風雷忽言與君隔千里對此了了聞談諧

謝王成可惠鼎鑪

王郎筆若追風驃歷塊過都愈竒峭胸中好古類古
人鑄鼎爲鑪亦臻妙禹金九牧知神姦周定郊鄔垂
不刊據耳向來爲上客折足遙憐空汗顏率游談聊
賞患細部減孫貽直諫淪亡泗水盖厚誣得自汾陰
亂真贗孰如此鼎形瓌竒皤腹雲雷差次之上有蒼
虬肉倔強隱映么麼微螽斯明窓靜几香氤氳藹如

黃雲覆晏溫拜嘉詎意獲此寶子孫父已傳仍昆

次九弟中秋韻

楚江微波鳴盞酒脫葉蕭然坐來久仰頭看月落烏
紗無復纖雲漢津口顧兔之靈態度深搗藥長生傳
至今風前急管聞三弄泓下蒼龍時一吟逸興俄生
縹粉壺携幻近局無勞呼坐中白髮飲轍醉鼻雷發
聲聊據梧異舍羣雞俱誤唱舍下鳴蛩亦清壯低昂
北斗掛柴扉不眠尚倚過眉杖

歸舟

旌陽峰頭千仞石溪光却照楚天碧歸客操舟瞑色
時怒雷濺雪多灘磧夜榜時驚鳥鵲喧星光破碎月
映門訪戴人歸剡谿曲問津客出桃花村香醪獨酌
吾靜寄萬事不理端復細俗交從來薄於紙小點大
癡聊一戲

正月二十六日冠順之飲僕以醺淥酒徑醉
聞橫笛音李仲先順之有蒼頭能作龍吟三
弄偶不果戲成此詩

髯奴不及綠坡竹柱車守閤各有局苟不上券吾不
欲僮約卒音幾慟哭劣于却公常奴爾性不如葦少
陵喜吐茵西曹葛忍之封侯骨相多小吏蒼頭乃復

在琳房柯亭橫吹節飽霜炊飯作糜綠底事心寫泉
聲風韻長冠謙酌我次翁狂如魚聽曲首低昂恨不
臨風作三賢弄不減當時桓野王

舟中戲作雜言

昨日觀畫筴李成山水真難忘寒林遠近煙暗澹絕
壑稠疊雲微茫忽看清溪下野艇驚殘鷗鳥不成行
我嘗指此語座客安得仙骨來中央此事數日爾忽
落圖上鳴漁柳山重複水灘瀨急雅飛不過吳天長
嗟予老矣兩鬢蒼滄浪自得且深葳煩於畫筴試檢
校恐我割取附益歐峰旁

次暉書記韻

平生邁往回萬牛晚著壞衲乘虛舟僧中那得賈長
頭對語疊疊連不休作夏深藏白蓮裏心如此花映
秋水夢隨歸雲欲訪之鄰垣華鯨喧枕底

次韻陳無已擬古

說桓佐宣項垂癭銳頭將軍風骨緊病夫面帶丘壑
姿白薤綠葵窮可忍忠風輝映義骨香苦事河須味
方求夜歌商頌出金石猿獻寒柯掛參井

夢訪友生

下三不白玉洞小舟何

少年結客長安城宴喜縱酒同章程支離老去一茅

屋枕書卧聞長短更友生相望止百里寒夜寥間無
微聲夢中乘興輒見戴剡溪聊爾扁舟行覺來遽
一榻上不用僮僕爭驩迎吹燈弄筆欲書寄窓前白月
方亭

唐明皇夜游圖

開元御極垂衣裳登三咸五陵羲皇白環重譯銀甕
出卜夜遨遊離未央香車闕風秦與魏羅帕覆鞞真
乘黃赭袍錯落綴北斗步輦優游含綏觴寧王玉笛
上霄漢御路花光爭月光汝陽羯鼓綃帽穩打徹參
旌低建章太真霑醉玉歌側力士傳呼聲渺茫翠釵
掛冠紅粉粧金貂貫酒白面郎君臣玩狎樂莫比清
禁喜聞宮漏長若令姚宋坐廟堂袖中諫疏神揚
萬里橋邊行幸處後世龜鑑懷包桑

題駒父家江干秋老圖

江風颼颼江水寒蘆洲雁下生微瀾漁翁夫婦不能
語津吏醉倒船着灘其旁病夫坐箕踞持竿萬事那
復顧懸知寧斷嬌兒乳不及冥鴻及飛鷺

日涉園詩

五律

喜得師質消息

南國柳花合淮壖麥秀初
數聲傳喜鵲一紙古人書
君出理煙艇儂還荷雨鋤
天高風浪惡歸與不應踈

謾興

鴈帶秋聲滿鷗將暝色歸
打窓紅葉亂裁句碧雲飛
好飲酒儲盡少眠茶夢稀
春言方外侶時送北山薇

宿同安寺

山暝客初到雨餘雲尚屯
長廊響僧唳涼月耿松門
踐境知心遠背塵唯佛尊
道人暗不語真覺我言頻

遊藏山寺

招提雖負郭。菌閣暗藏幽。春漲桃花水。風回沙際鷗。
含煙朝日麗。擇路晚雲愁。淡墨呻吟內。非豈可療憂。
久不得潘髯書。

八字山頭鴈。武昌江上魚。畧無千里遠。不寄一行書。
度鳥愈清曠。晴雲時卷舒。河陽應好在。有底苦相踈。

書龍壽寺煮泉亭壁

病馬繫喬木。携筇到上方。江花迷枉渚。野竹亂鳴榔。
石竈懷桑苧。濯尊憶漫浪。郎吾生真寄傲。佛地欲深藏。
客裏多岑寂。尋春興獨賒。擎來妙喜葉。盡屬法王家。
不見青鞋士。來煎黑面茶。幽懷在天末。落日更鳴鴉。

曇珠曇規二禪者歸湖外乞詩二首

淑氣紛花藥。喧風樂鳥烏。山僧來訪別。稚子竟傳呼。
噴玉渥注種。行沙滄海珠。湘天多過雁。能寄尺書無。
獨秀峰前見。林間憶語離。游觀如昨夢。換謝若晨炊。
柳紫飛千尺。殘陽隱半規。打包湖外去。探道就鉗槌。

西塔

秋山何秀整。風磴頗崢嶸。寺古殘僧病。門深舊犬迎。
崖蜂將割蜜。澗鳥自呼名。毳衲典刑在。蕭然物外情。
病起過鄰寺。

慣作招提客。應非拖玉身。一年強半病。十畝未全貧。

孝秀鄉閭盛朝頌符瑞頻不妨幽仄裏高臥姓龐人

夜坐

人共林鷺老春隨柳絮還夜深喧急雨青燈更牕間
平生攬轡志久矣收波瀾非閑舌本強書付一杯殘

封氏野老留飲看白兔是晚微雪

封老朱顏在髯髯已白鬚濁醪招倦客喚婦煮肥鱸
玉兔君家有銀鬕客舍無醉餘看舞雪未覺客情孤
登無相絕頂舊有東坡題字今不復見

深雲蒙無相斜日照崔嵬慘澹天梯往蒼茫地勢開
巾裾拂河漢談話雜風雷惆悵銀鈎處歸來首重回

次九弟韻兼懷師川二首

抱瘵便秋晚加餐喜歲豐幽懷爲鳥樂世故馬牛風
坯戶寒蟲急安巢野老同年來百念冷頓悟衆緣空
鷄回落鴈渚菊帶傲霜華稍過郊墟雨猶鳴官地蛙
層空聽隼擊俯杖看蜂衙妙趣誰能解懷人天一涯

次文虎韻戲暉書記

孤舟泛湛水心法已圓融詩律期三昧庵居後二空
住山須拙斧閱世任寒蓬慢着尋幽履雪泥殊未通

次九弟韻後篇戲奉世十一弟二首

少成憐季子拔俗似安豐逸氣期公幹鈎深似國風

未須輕小伎着意要參同聊語詩家病塵窻研滴空
莫學中即將休懷陰麗華三餘遊竹素兩地有鳴蛙
乃肯親龐老多情過押衙吾衰那復此羨爾樂無涯

戲贈

王謝風流在星星映角巾屬文無少盡結社有迂輪
頗作餐霞侶願充觀國賓徑須呼伯雅且心醉鄉春

贈鄒中羨

盛漢數鄒陽雲孫復擅場筍興逢鹿苑螭屐繞羊腸
囊有壺公藥爐多荀令香麻姑在鄉國期子共倘佯

東林寺贈暉書記暉有伯時所畫馬甚奇

脫盡膏梁氣祇餘雲壑姿囊中支遁馬筆下惠休詩
木末鳥還語花邊蝶浪窺平章賴公等吾病不能奇
聞官軍已臨賊境全用杜荀剛喜月一五柳

聞道官軍至戈鋌壓賊壕鼎魚猶未腐穴兔竟何逃
銳氣連全楚皇恩貸爾曹洗兵無復用歡喜薦春醪
次韻九弟遊雲居

禁足同僧夏秋風倚杖前捫蘿懷鳥道著屐到壺天
霜月懸崖腹參旗落枕邊營詩嗟錦盡老語不須傳

夜坐聞櫓

日斜喧急雨雨夜候虫秋宴坐遊三昧因人吟四愁

疎林月色好別渚櫓聲幽却憶秦淮上寒更渡小舟
自雲居歸欲到瑤田作

稍上參雲漢中藏祇樹園烟橫迷遠嶼鳥度失孤村
一嶺分晴雨半山纔晏溫回頭聽梵唄真是欲妄言

絕章水

春水靜遊浪晚吹怒生濤歸興催舟楫驚魂寄桔槔
留髡忽忘故訪戴敢辭勞推挽柁師力令人愧爾曹

哭李少微三首

應劉玉山隕之子尚與璠未握論交臂俄招去幹魂
茂陵有遺豪健婦解持門何日生芻奠人琴恐或存

評闕汝南旦窮嗟校尉途故交非浪哭吾道恐成孤
往在談文處還能步屨無秋風聊倚杖草樹日踈蕪
我客齊安歲君臣焚上春安知瀕鬼錄不作定交人
場竈中郎滿闔鷄開府頻如何令王濟清血染衣巾

次韻東坡五更山吐月

東坡先生喜誦杜少陵四更山吐月殘夜
水明樓之句其在嶠南列置五章僕蓋誦
之不離口欲効其髣髴而不可得秋高景
寂往來匡山披衣視夜氣象幽勝乃次其
韻作五首然終不近也

一更山吐月脩木瑩澄瀾全勝西園夜金羈帶笑看
團欒照坐好倚徒水人寒縹瓷傾竹葉何必辦狼殘
二更山吐月寂寂山家夜哀翁葆鬢濕衡移復露下
冷冷泉可漱冉冉雲可藉相携塵外人共說無生話
三更山吐月無睡客還起風微一鐸鳴歷歷正談此
此身如傳舍幽懷湛秋水茲遊共昔遊定非聊爾耳
四更山吐月月是故園明三峽笙篁起紫霄星斗橫
林猿霜後嘯山鬼夜深行託宿耆闍寺真遊王舍城
五更山吐月夢回人更幽風來虎溪寺江動庾公樓
鷄喚楚江曙河殘淮上秋倚梧成短句僅欲不勝謳

案此詩五章其一四五係律體而二三則古詩但其體以五更聯綴成章勢難割裂附誠于此

不宿開先道中口占

穉菊含佳色苔痕上老筇了山已埋玉盧老自鳴鍾
但飲東溪水休看雙劔峯斜陽空翠合猶聽隔溪春

雪

端木辭天漢因風響觸楹光催曉鷄誤素失白鷗驚
水柱隨門見瑤林逐徑成南州多癘鬼藉汝勝塵兵
王子張數以詩見過

午夢蠻花濕晚涼衣帶秋愁來倚柱嘯詩到擊盤謳
律熟無誰敵詞慳不擬酬蘓州語猶在五字為君休

同雲叟遊歐峯詩

遠墅春辭木空山晚着花幽懷生螭屐稍上問星槎
屢共普熏飯仍烹圓夢茶期君未衰白爛熳飽烟霞

書懷

未作終焉計懷哉興不踈逢人問息耗閱歲歎乘除
老境來顏面歸家識此渠攀緣俱斷絕何暇羨嚴徐

遊石鏡溪

石鏡溪邊樹金輪峯上雲貪看魚弄影不覺鳥迷曠
山態迤迤好泉聲細細分銀釣懷柱史誰復振斯文
懷秦處度

淮海紫髯叟長吟獨倚風稍將芸辟蠹應罷手書空
柱策舊寒澗含毫餘老松觀雲每悵望苦念小安豐
留題壁間

遠意在丘壑籃輿同此尋千雲壁秀落澗幽泉音卷
滅盡開士聽法多珍禽煙橫半峯暝信是志歸心

過蘄州故居

繫馬金沙樹衡茅儼暝途沾襟問鄰老携手憶於菟
意逐前雲遠情隨歸迂路霜風吹曉角夢聽小單于

寄文若

仲氏客淮上蓬窓憶聚星雲從望中密雨逐去邊零

赤壁念存沒怡亭幾醉醒歸歎勤著腳莫負讀書螢

用韋蕪州神靜師院寄微公

雲卧衣裳冷巖幽鐘磬微秋虫留霧牖夕鳥下烟扉
無人若茗椀坐我語斜暉分携復經歲長嗟志願違

將到九江生寄王環中

鹿門真大隱不減遠人村淨供維摩室鄰居祇樹園
秦淮揮別泪楚岸倒芳樽牢落還相見定能顏色温

新葛濁醪味巖勁飲數盞大醉醉中作此詩

我生怜麴蘖剛置自中年破屋鳴春溜陰崖響夜泉
興來猶味著飲罷剩狂顛但病無風韻聊堪栩栩眠

佚老堂為柳仲輝題

小隱寄巖谷堂成笑傲中雖無黃閣相不羨黑頭翁
倚杖鷗邊雨宮詩鴈背風好閑多病處清興畧相同

自寶峯還過長坑澗谷勝絕處

瀟瀟水循澗悠悠山放雲關河元未遠境界有誰分
幽樹花無賴輕鷗聲念群箇中須著句傳與世間聞

藝玉軒詩

短李江南秀虬須讓帝孫開懷仍好客愛畫復堪論
藝玉風烟外藍溪氣象存他年多結綠會看有乘軒

豫章董瞿老求詩

珍重膠西相風流後葉孫
退藏羞射策曠遠頗窺園
韻絕五峯秀句竒三峡喧
羗山多勝踐周禮魯俱存

謾書

歐峰秋色外一上一回高
踐華誰云險捫參未覺勞
雲扉留野客霧牖卧方袍
拄頰非吾事何須似馬曹

錢盱眙赴上因乞詩

君自金張侶從予嵇遠遊
阮祇園分客袂星渚繫歸舟
楚國烟霞晚隋河榆柳秋
中州多汲引行矣亦封侯

次瑛上人韻

鼻祖真消息風流出當家
觀門親杜順感指悟玄沙

顧我晚聞道參同今未涯
懸知飲光笑初不為拈花

題吳少馮聽雨堂

碧澗寒侵屋幽雲夜度墻
貪看山入坐慣怪聽雨鳴廊

苦乏陰鏗句聊登孺子床
君非無汲引寄傲學潛郎

喜得京師書信

簷間噪烏鵲窓下集邕渠
喜有大梁使能携小陸書
南烹飽薇蕨北饌到庭除
得雋傳消息更看雙鯉魚

追涼對酒

袞暑晚來歇追涼聊解顏
星移團扇底月動縹瓷間
蟬噪斷仍續烏喧栖復還
幽人嗜清曠只合卧湖山

上黃太史魯直詩

扈聖當元祐，雄名獨擅場。群公調玉燭，延閣近扶桑。
揮灑驚雷雨，觀瞻列堵墻。容雲來北苑，珍菓出明光。
柱下惟青史，銀臺無露章。胡為隨逐客，不作瑞齋房。
岑寂金華省，蕭條玉筍行。長庚萬里去，大雅百夫望。
老覺丹心壯，閑知清晝長。珍蔬時入饌，荔子喜傳芳。
世故跼蹐遠，生涯艱傲傍。甘為劍外客，誰念大官羊。
宣室二天詔，遺弓萬國傷。老臣還召畢，陛下過成康。
澤笏皆忠讜，彈冠多俊良。力辭佳吏部，直作老潛郎。
憶在金華日，曾扶八座床。未能窺絳帳，頗復戲羅囊。

候鴈隨陽去，奔駒度隙忙。千秋銅狄泣，萬古玉人藏。
詩阮黷猶在，蘄春痛未央。羣雛極鴉鴈，衆口歎蜚螿。
恨乏一塵地，歸來屢擇鄉。親交標鬼錄，卜築近僧坊。
宿鳥頻歸牖，行蝸每畫梁。着渠上麟閣，耻學賦高唐。
勤我十年夢，持公一瓣香。聊堪比游夏，何敢似班揚。
尚愧管中見，應須肘後方。它時解顏笑，何止獲升堂。

七言律
觀畫山水

不愛邊鸞愛李成，胷中成畫自崢嶸。數行島嶼隨人
去，一段風烟回腕生。緩啼巫峽殷勤嘯，鴈到衡陽嘹
唳鳴。我與群山成保社，直疑俱是舊經行。

遠明閣飲

百尺遊絲入座來，浮嵐空翠入樽罍。
談諧自得江山助，觸詠不勞絃管催。
滕閣風流今未遠，南樓氣味喚仍回。
城鴉欲曙衆客醉，木末闌干懸斗魁。

留止之飲

廼翁直節自無朋，卽子承家非力能。
舌本源源巫峽倒，筆端磊磊玉山崩。
夜闌杯酒興方發，歲晚溪魚寒可罾。
解事勤來商略此，吾生要不愧孫登。

城上

城上棲烏尾畢逋，寒塘烏影過相呼。
一天欲放山陰雪，六幅如觀栗里圖。

問老自應師粲忍，扶衰初喜得封胡。
香醪已熟糟床注，喚客無勞滿眼酤。

宿萬松兼示慶首座

步屨欣逢釋梵宮，餘霞尚帶日歸紅。
峯前晚靄晚來積，岫外秋天秋滿空。
獨鳥深藏歌牖樹，幽花香逐下山風。
青燈耿耿照無睡，賴有能詩老贊公。

鄒天錫見過

議卽梁獄坐，口語置散投。閑今放回令，節由來迫吹。
帽幽園尋勝，獨登^臺共歌。昭代得銀甕，何暇著書名。
玉杯此口惟堪餘，醇耐人間萬事要寒灰。

次駒父遊孺子亭韻

淪

平居懶與慢相親，寄傲行歌似隱論。
水退荷花餞殘暑，秋來山色挽幽人。
從鳴瀾鶴窺黃帽，旁母鳧雛映白蘋。
興罷歸來去高卧，詩成聊復寄雷陳。

余久不飲酒殊適因和九弟韻

年侵畏病酒尊空，矧復聽歌盛小叢。
煙際鳥呼雲際雨，花邊蝶舞柳邊風。
向來懷抱愁眉外，今日惟娛醉眼中。
何用花奴鳴羯鼓，新詩解穢思無窮。

遊雲居三首

山林投老更踈慵，尚有躋攀興不窮。
絕壑久忘蛇起

陸寒窻聊食鴈來紅，人方嵇阮似無愧。
詩比陰何或

未工永夜不眠茶，作崇一燈明暗鳥呼風。
雲居稱有鴈來紅

故歲新芽約略黃，重來敗葉帶飛霜。
尋幽少脫塵勞

夢訪舊頗薰知見，香深谷鳴鐘雲暗淡。
半峯斜照樹

微茫去天尺五，今應是壁日珠星掛上方。

群峯羅立紫崔嵬，無復市聲蚊聚雷。
遠嶠雲屯飛鳥

沒寒江煙斂健帆開，暖眠犢子陽關草香。
遂蜂鬚陰

谷梅散策捫蘿覓，歸路摩挲蒼石更裴回。

七夕懷徐十用去年所賦東坡清涼韻

在下中友

幽人喜雨靜無塵，雨罷幽虫料理人。
顧我維摩方卧

病憶君徐雅是前身鐘鳴祇樹年華隔潮上吳江月
色新共看牽牛渡河漢月殘露脚濕綸巾

過河湖懷師川

寶峰嶽崎青未了枕下灘散走白沙谷口不應無小
隱桃源真恐有人家寒煖飲水避帆影槁葉隨波上
槩牙苦憶南州徐孺子歸舟天際暮雲遮

春夜奉懷蘇仲豫次陳無已韻贈仲豫

雲外頭陀是去年已看汀草漲晴川夢中未覺關河
遠枕底忽聞鐘鼓傳但可馬曹聊拄頰看渠鳳閣競
加鞭蓬窓想得同春甕一夜糟牀酒注泉

春日懷秦髯

山雨蕭蕭作快晴郊園物物近清明花如解語迎人
笑草不知名隨意生晚節漸於春事懶病軀却怕酒
壺傾睡餘苦憶舊交友應在日邊聽曉鶯

季敵檢校南村田

風吹穉耜半傳黃隼擬中厨雲子香潮水忽生添野
水山光便可接湖光難求塵外飡霞侶未試囊中辟
穀方徑遣阿連聊檢校飢雷已復殷枯腸

自豫章歸書齋題壁

烏鳥殷樂客還家僮僕歡迎日未斜小徑潛筠新長

筍幽齋茂樹晚多花深慚麩葉留春住尚覺年顏去
老賒出處由來非細事弄泉莫忘飽煙霞

泮宮曝書恭覽御書故事行鄉飲酒禮諸老
率諸生皆在楊先生病足獨不至賦詩見寄
次韻答之

雲漢昭回泮水邊諸生拜舞鱣堂前老翁七十荷衣
綠弟子三千挂魄圓樂正足傷何必慮伏生口授尚
能傳墨池載酒容他日門外侯芭也可憐

寒食日

幽人衣帶病餘寬終日蕭然懶正冠柳絮野鶯春向

晚榆羹杏粥食猶寒倦于杯杓生新興頻有鄰儀救
老殘試把一尊招近友放歌聊復罄交歡

李成德求廼翁挽詩

養疴丘壑玩寒藤傾略鷄園最上乘射虎已驚生李
廣登龍行復見元膺九原烟雨悲埋玉一代功名定
伐冰安得董狐南史筆發揚德潛得到雲仍

用韻戲呈仲誠

蒲萄政復得涼州底事微官章水頭早歲已能交北
海高懷乃肯顧韓休手妙他時掃銀夏冑蟠佳處協
滄洲誰言京兆畫眉嫵後院懸知多莫愁

再次韻呈之忱彥光彥達無呈幼槃

割據溪山天下豪長松獨許倚青蒿小巫政自雄河朔淺器從來鄙奉高爛醉何勞憤田實淳風相與繼崔毛不知底事真竒語且向窻前嚼二螯

宿同安用舊韻呈雲叟

蒲柳望秋今復衰遙岑雨罷扶脩眉寒林要使入方尺妙筆懸知愧畫師不見揚雄草玄手細看東哲補亡詩何時共飲建業水更把北山煙雨犁

復用遲字韻呈元亮

去日關河雪打圍縫裳密密恐歸遲忽看高筍成筠

處始見殘樽下馬時暮雨蕭蕭聊洗恨東園物物總宜詩莫言心賞隨年薄勤赴幽人林下期

卜居

有宅一區聊解嘲清風歷歷自鳴瓢買山作隱吾無取為黍殺鷄何用招魚托么荷障斜日籜隨新竹上層霄箇中已了一生事倒屣安能求度遼

度章水道中戲用城字韻呈駒甫師川

楚波不動晚山青顧免西來照我行野鳥鞦韆知有意漁歌款乃亦多情湖邊倒載思山簡機上廻紋念始平欲覓澄江如練句乞靈湏向謝宣城

寄劉壯輿將赴唐州儀曹

五柳先生同舊科，壺觴終日眇庭柯。一行作吏事皆廢，三徑就荒君若何。問字有誰堪載酒，談經許我或操戈。平生獨是賞音者，聽此殷勤勞者歌。

次韻寄山伯肅老二弟

山伯惠痿鶴銘善本

平原翁仲草蒙茸，種竹當年語竟空。群從嗟予真漫叟，象賢期汝繼沂公。別來江草喚愁碧，書到山陰稱意紅。瘞鶴銀鈎光照坐，行書正欲乞楊風。
兄雅嗜楊輩有之故見於末句

寄何斯舉

傳詩句句爛生光，妙手殷能入象床。本自奉常參定脉，定從僖耳悟神方。玉花自合歸天廡，黃鵠應須下建章。見說年來真欲隱，轉身一路直須強。

寄張聖源

豪氣向來回萬牛，筆端袞袞楚江流。拾遺已見傳三賦，平子不應吟四愁。柱後許時淹濶步，石渠看即副旁求。老夫病著蒼崖底，細和堯民擊壤謳。

還家寄吳世長兼簡潘子真

江頭楊柳翹塵姿，弄日晴空百尺絲。騎省風流還有賦，吳筠英妙更能詩。殺鷄為黍相期處，問鴈呼卿政

此時下榻深慚徐孺子非闕勞者作歌辭

用元亮韻寄駒甫

才名綠髮斗牛垂天祿讐書何太遲却掃未嘗嗟半
菽養疴不是傲當時鋪張大對明光手收卷裁成鄴
下詩見底冰壺最清澈何時照眼會心期

次韻寄居仁二弟

隆禮敦智

老覺餘生如遇鳥何曾留迹寄長空一丘一壑應還
我三沐三薰盡付公病懶自知玄尚白醉餘貪看碧
成紅荀家兄弟俱奇絕時聽淮南好國風

寄撫州謝幼槃

別去鷓鴣思日寒書來鴨鵝語林端我懷求仲徑方
掃君向山陰興已闌細讀清詩如艷雪何時痛飲劇
奔湍懸知作草非賣菜要自心期禮數寬

賦高明大使神功妙濟真君祠詩

楊柳江頭星宿踈呼舡稍子散林烏煙橫雲卷樹出
沒天澹波平山有無稚子揔參三洞籙病軀長佩五
靈符步虛聲裏瞻風馬頗覺神清到藥珠

代虛中作

曉悟無生貝葉經起宗真喜得人英風流定自壓全
楚文物由來繼兩京謝傳平生處華屋滕公俄忽掩

佳城哀榮贈典他年在翁仲何知泪滿纓

聽王散琴

花邊猶舞舊時蝶屋角還鳴他日禽但訝鏡中顏色
改詎知門外歲華侵一杯相屬步兵酒三疊共聽中
散琴有慨余懷聊復寫雨餘汀草自青深

南至

鄰鷄戒曉暮鐘催老境俱從裏許來俱喜書雲占嗣歲
詎知緹室暗飛灰和風欲上千門柳叶氣先傳五嶺
梅弟勸凡酬真樂事燈前細酌莫停杯

葺茅屋戲成

朔風養我屋間茅烏鵲啣將去作巢執朴鳩工課奴
客巡簷長嘯望江郊謝公五畝似能保楊子一區聊
解嘲欲學參謀懷廣履苦無鳳背續絃膠

此處係六一行

景純雞冠機上為裁翦淺碧深藏稱意紅要與飛鴻同保
社肯隨凡鳥在樊籠鳴堦鼓翼何勞爾介與羽登場略
未工赤憤漫多安足數尸鄉卿反笑祝鷄翁

同安即事

搖落霜林秋興新捨舟尋壑自冥塵雲空山色解迎
客松氣竹氛俱著人漢上營詩多累句孟生題壁欲
傷神頻伽依舊丁寧語應笑華顛映角巾

早發開先入城至中道親舊約予復還薄晚
復自歸宗入郡中

細聽瀟瀟水流澗靜看悠悠山放雲澗底遊魚隨葉
下巖間獨樹藉雲分殘星已發招隱寺落日願伍耶
舍墳却背孤村入城市沙邊深愧白鷗群

過廣濟

不到梅川已十年市橋官柳尚依然追尋耆舊知誰
在觸撥清愁不欲眠蘭若霜鐘猶喚睡平陽宰木上
參天倦遊客子心無際眼盡崗原起暮煙

種仙茅

聞說仙茅勝鍾乳移根遠自西山阿豈獨客來塵意
少更覺夜眠幽氣多避謗何須求薏苡去家不減食
摩蘿候門稚子成群後矍鑠仍看馬伏波

王子張以詩見報次其韻

卧看雲生舍北籬起來臨鏡慰衰遲欲投未落鶴盤
嶼將去還留鵲遶枝天上漢庭勞夢寐嶠南殷鑒恐
羈縻藍田丘壑仍孫在勝日勤來賦好詩

駒父次予舊韻見貽復次韻

玉人皮裏有陽秋句入丹青顧虎頭壓倒何勞譏陸
陸老衰得懶欲休休支牀夢破嚴城角決皆風回落

鴈洲遣興竟須桑落酒談間莫看畔牢愁

次韻師言韻

東觀讎書須若人如何黃綬綬尚縈身懸知塵外緣猶
在且盡平生瀟洒因我以匡山為畫筭千巖萬壑未
全負杖藜何日烟雲表同作鴉谿絹上人

戲次人韻

人言鼓吹來詩思鳴鶴遂聞長阜音細讀一犁新句
好始知三語用功深自甘散木傲霜節懶作幽雲出
岫心茗盃爐芬清晝永流鶯捎蝶過墻陰

舟中次珍書記韻

沙頭作別數峯暝意逐屯雲愁晏陰雨打船篷藏枉
渚鐘殘客夢憶禪林山重水複歸棹遠魚躍鷺飛寒
葦深何日支郎訪玄度倚松停策伴微吟

次韻徐師川喜洪駒父歸自臨汀之作

赤壁烟波翻渺溟長沙卑濕重行行一觸一詠勞清
夢三沐三薰慰別情不作畔牢愁執戟共吟哀郢哭
初平生來競病幾牢落漫興安能學背城

用師川題駒甫詩卷後韻

夢中逐客幻中歸荆楚甌閩好賦詩誰謂涪翁呼不
起細看宅相力能追太冲文價經皇甫張籍也辭源怯

退之邱壑同盟從已定莫令鬼祟作愁眉

即事

槐火煎茶氣味新東園肯讓兔園春
烏摧積李霑衣袂蝶遠么桃傍鬢唇
迴策如縈峻儀範好詩轉彈絕
風塵頗勝袁粲飲無偶步屨白楊要惡賓

貽王充道隱士

憶昨涪翁虎溪別鴈來一字不曾收
勞君為傳三月信遣我少寬千斛愁
煙艇方遊建業水玉人猶在仲宣樓
何時掛席西湖去藜杖青鞋鸚鵡洲
送果上人坐兜雙率夏

落絮霏霏攪客心鳴鳩歷歷喚春陰
未於蓮社添宗炳已向蘭亭減道林
遠嶠烟橫鐘磬晚禅天目斷薜蘿深
詩綠酒廢苦無思為子送將聊一吟

潮州木龜有堂舊在天慶觀北極殿之左近
為相道流竊取而去今莫知所在矣

長生要自食山蘇妙語曾聞葛稚川
忽見靈龜藏六用定巢蓮葉閱千年
剗腸已笑清江使曳尾聊同脩水邊
懸想偷兒難卜夜守閭黃耳得安眠

宿侍其雲叟書齋

高齋解榻留我宿破夢驚濤翻疾雷
水鳥時呼山鳥

語朝帆纔去暮帆來百年榮落真墮甌一世稱譏同
死灰珍重秦淮隱君子只今風月且銜杯

竹枕

湘江翠竹斬雲根偃月初無刻削痕尚想繁柯俱萃
尊曾經彩鳳屢飛翻佳眠時有池塘夢避暑不勞河
朔樽殷殷晴雷喧白晝兒童走報雨翻盆

過林子幽居

卧聽山城罷擊折策蹇過君霜滿鬚窓間山好天欲
曙庭下菜肥人愈臞我非當世可領袖君合於今稱
楷模謝公小草恐未免懷寶要令真不沽

喜二何從山谷遊復用塗字韻詩

水部諸郎蠹尾書涪翁杖履傲當塗班班東笋門墻下
士梔貌蠟言嘖笑枯翰墨瀾翻魚從壑丰儀洒落鳳
棲梧寄語南州雙白壁從今價重百車渠

怡顏堂

心遠由來地自偏有琴何必問無絃新醪清濁動秋
興老樹扶疎可畫眠失學已從兒輩懶哦詩常苦後
生傳此腰屈強應難折尚愧顏公二萬錢

周明府國鎮寄詩有招隱之意次韻以報之

絕壑平生深遯逃相期推轂敵英豪綠琴白薤堪扶

詩旁改未穩寫時且以此
知字空出

此魚字乃初三首注初
詩在前卷七古

此詩初詩
約即作本不
押聲也

老黃帽青鞋非養高爨浴懸知慙管葛經綸何敢望
崔毛新詩如對故人面清夜不眠鷄屢號

予以玉襃僮約授嗣行叟叟有書抵予并求
跋奚移文且云要與僮約作伉儷以此詩戲

髯奴上券歸公許跋奚移文猶見催臧獲要令成伉
儷文章相與挾風雷目成眉語似真爾足躡心邀安
在哉大士好竒聊一戲不應禪寂使寒灰

戲何人表

示疾維摩難共語誰堪問疾坐繩床也知世乏長桑

手盡用枕中鴻寶方馬價不須勞廣漢牛衣何用泣
王章清涼心地俱安隱特訪名園顧辟疆

仲豫買侍兒作小詩戲之

霜鷄橫空河漢秋聊隨鷄鶩稻梁謀却將屬國舊長
劍換得石城新莫愁要遣短轅無復馭定看選集解
忘憂匡山醉客時相訪莫下疎簾作障羞

溪上

門前渾是浣花溪坊裏深疑號碧鷄短艇波橫隨暮
靄遙岑雨歇看朝隳髯奴便了能沽酒稚子添丁解
灌畦欲賦郊居追沈約只愁誤讀作雌霓

扇上畫雪景戲書

醉餘澹墨寫生綃咫尺真成萬里遥短棹船歸剡溪
曲披蓑人渡浣花橋暑中松雪俄輝映月裏山河俱
動遥搖凜凜寒生立毛髮從今襜襜不須嘲

二月二日大雪

天公長作狡獪戲舍北舍南無限春密密疎疎桃著
糝娉娉裊裊柳舍塵老人已老難復少故衣雖故昔
經新岸薺未花湯餅滑何勞象白間猩唇

得了翁書

都司曾拂御爐香嚴譴歸來鬢未霜麟閣它年看赫

奕歆樽今日又淒涼楚氛聞說行將弭漢道真成喜
再昌莫作湘纍吟澤畔鋒車促召據南床

廬山道中見梅花

江頭細柳已搖春幽谷疎梅尚着人未許揚州動詩
興却嫌戚里妬粧新范郎鄙棗不同傳漢省含香可
買隣蝶翅蜂鬚莫浪喜元無一物浣香塵

苦雨詩

陵陂麥熟晚雲黃婦姑當穫相扶將谿山作雨水漂
屨芝菌對床蝸篆梁宴坐翻疑谷簾下夢回空在漏
天旁何時晴嵐來入戶撩我浩歌傾一觴

江梅

江梅疎蕊弄晴曛，割取江東一信春。
刺得耐寒驚蛻蝶，竟來占醉倒綸巾。
未容作賦重招屈，豈敢含毫論過秦。
何日大梅梅子熟，從渠高浪白如銀。

睡起

烏鳥聲樂報新晴，睡罷南窗午醉醒。
惡客從譏玄尚白，斯人相向眼終青。
渚蒲汀草垂垂發，幕燕林鶯續續聽。
日糴太倉真細事，安尋佳句遣沉冥。

次妙明觀韻

春岸波平汀草深，野航蕩槳恣幽尋。
星壇香轉來真侶，菌閣鐘鳴生道心。
憶昨泥旌歸紫府，尚餘鴻寶作黃金。
肩吾戲吐烟霞語，縹緲欲仙難陸沉。

次元亮韵荅師川篇未見寄

早歲聞君萬人敵，定交已悔十年遲。
中間會面無虛日，底事分携用此時。
不隔南雲無過雁，猶因北阮著新詩。
征車欲作日邊去，儻赴幽園茗菓期。

客有和予顏字韵詩者荅之

蠻花初捲簾文班，苦被秋風吹老顏。
慰眼既親還有舊，起予多病復思閑。
莫言倚仗心三徑，看子着鞭腰九環。
小屈尉曹吳會去，莫因橫槊廢躋攀。

次韵荅董彦速

踈山翠氣連眉嫵雲外飛鴻點點愁只在吳頭并楚
尾非關張掖至幽州著書繁露想成癖待詔公車安
足求何日芒屨尋舊約蘭旌蓀楫共優游

次韵荅仲元元亮

楊柳江頭人迹稀心隨鐘度遠山遲忽傳憶弟看雲
句想見流觴曲水時人比封胡終有恨韵低徐庾敢
言詩青春欲謝子規叫莫惜歸帆赴後期

戲荅施損道

材豪氣猛如長虹雄辯清談堪擊蒙芝山鄱水聊寄

傲一官正坐將無同新詩壓倒競病語妙墨還追顏
柳風首下尻高何日了直廬須聽景陽鐘
脩水古縣篔簹竹中吏曹抱牘常相蒙尔来小試發矧
手萬口一舌歡聲同冥搜佳句酢烟月復究妙理通
幡風幽園漫士辱賞味相應一鳴如洛鐘
大兒文舉可平視小兒德祖真發蒙飽聞雋望氣先
感一見心親臭味同筆端挑戰屢摩壘驟歌不競知
南風林間燕坐猿鳴暝袖手雨餘来遠鐘

夏牛卿用韵見貽次韵荅之夏先君子與先

平陽厚善

君合雍容供奉班，彤墀紫仗近天顏。
誤隨手板落趨走，却望家山思燕閑。
使君銅狄悲游岱，令尹玉棺今賜環。
樽前回首二十載，更話幽禪未易攀。

次韵荅寶峰仁書記

袖手脫鞋悲太白，牽旗縛敵笑光顏。
自知日面與月面，莫問南山與北山。
獨秀峯前雲不隔，蓮花洲下水長閑。
還鄉一曲真奇絕，與子終朝談笑間。

下

次韵荅季智伯弟

廢詩不復匠蘇州，蠹簡於人風馬牛。
喜有丘明能撰次，極知水部愈風流。
向分競病應難敵，家有封胡可

解憂共嘆宣城游，岱早剝招去幹不能收。

贈蘇仲豫

平生照眼玉壺冰，解向朝陽續鳳鳴。
黃鵠樓前重會面，白蓮社裏定交情。
疎才我亦憐文舉，大雅君應笑正平。
賞酒臨邛聊復爾，莫令狗盜汗高明。

贈王環中

拄策前年訪草堂，掛帆煙際在西江。
詩隨鴻鴈來春渚，夢逐蟾蜍入夜窻。
辭聘知君追孺子，屢空嗟我似窮龐。
菟裘欲買為鄰並，歲晚相期到百缸。

贈張仲義

春衫試吏楚江濱。真以文昌思不羣。未暇等陶辭小
秩。何妨慕謝始精文。壁間妙句流黃素。松下英姿大
壑雲。但恐承明賴公等。不容蠻府作參軍。

奉贈介然

彈壓諸方化。城老聊同懶。瓊恣任眠。雪隨雷下雨。歸
壑竹引窻間風。動烟晝靜冥。搜徒覓句道。安高論愧
彌天叢林良藥。今無有絕影。須公為着鞭。

七夕用東坡韵

老火微微迹已陳。稚金稍稍欲親人。蛛絲曲綴當時
態。舊葉頻流見在身。女諫不妨嚴事立。天孫誰識

靚粧新。柳州太巧何須乞。樓汝題詩正角巾。

遊同安寺

郭內那知草色新。道人庭宇別藏春。高榆風度青含
英。艷杏雨餘紅退唇。茗盃薰爐有清思。禪天金地曼
無塵。裁詩得句如拱璧。不費咸陽設九賓。

遊昭德觀

曉隨歸鴈影。聯翩來訪仇。池小有天萬籟虛。徐雜鐘
磬一源淳。朴異山川雲霧大。壑真遊遠風掃石楠佳
句傳。司命峰前徐孺子。幾時風雪對床眠。

寄如壁上人

平生剛直隱長虹
收卷波瀾說一作苦空翰墨場中
無李廣苾芻園裏有支公
未應雪浪侵頭白
想見丹砂入頰紅
驄馬他年焚諫草
看君妙手試宗風

贈九峯長老

已透韶陽向上關
蔬盂茗椀每開顏
頭顱無意掃殘雪
毳衲徒來著壞山
瘦節直疑青嶂立
道心常與白鷗閑
歸來天末一回首
應在孤峯烟靄間

送規老住虔之慈雲

禪翁竟補栖禪處
兔角龜毛杖佛僧
久厭宗雷同保社
却憑章貢濯埃塵
定携天上蒼鷹爪
去接江西白

業賓大庾嶺頭梅
正好同風千里一枝春

戲次居仁見寄韻

居仁見曾參雪竇下禪

長盧老人半聖號
眉毛不惜為談空
靜委耽禪如縛律
懸知選佛勝封公
影沈寒水雁無意
春入幽園花自紅
欲向池陽參百問
却慙勾賊亂一作家風

奉贈瑛明發

上人霜鶻氣橫秋
法界重重幻筆頭
已泛毗盧真覺海
戲裁佳句比湯休
雲開鶴嶺露蘭若
波起洞庭霜橘洲
華髮蕭搔瀨老境
多情猿鳥替人愁

郊外書事

郊原野老帶經鋤童子何知競挽鬚我亦彌年躬井
臼兒能終日課樵蘇願思鷗閣仍虬戶那似松醪伴
酪奴志大才踈苦多累真須鹿鹿効周謨

和何斯舉韻寄元亮兼簡性之

避冷幽窻歎奕彥鴉啼踈柳把南枝長鬚勿送平安
報滿眼仍看競病詩稚子每嗟簷隙短波臣常梗客
行遲應貪左轄藍田會落雪官梅動興時

和許秀才見贈許病目良苦

木末鴉啼負郭村無人白晝掩柴門詩來或作破客
夢語妙直堪排帝閣抱瘵端如叔夜懶幽懷思對阮

生論何時還子讀書眼解脫無根須返元

和馮仲宣韻

秋風寂寞仲宣樓金狄傷嗟卧一邱喜有斯人出淮
海追還舊觀極風流莫將起草明光手去伴諸郎肉
食謀我欲清江理煙艇尋君楚尾及吳頭

次韻奉酬幼槃

結廬不入遺民社好客初無仲蔚蒿度鳥冥冥與心
遠孤峯峭峭伴名高樽前看我醉千日鏡裏綠君減
二毛安得買鄰揮百萬拍浮左手更持螯

奉酬謝幼槃

窻間遠岫謝元暉人物煌煌三秀芝黃耳來時得佳
句碧雲合處起幽思深閨復見解圍手勝日應多贈
婦辭念我龐姿最癡絕只能舉按解支頤

次胸甫涵虛閣韻

夢中占夢偶相逢山上有山隨轉蓬我自持觴酌元
酒君應臨水洗蠻風行參鷓鴣峩冠客豈是江湖把
釣翁暇日頻來裁錦句要看玉手亂殷紅

東臺

門巷依依稱意苔杖藜野色逐人開馬駒卓錫今應
在康樂翻經那復來雲物蒼茫山遠近波聲宛轉水
縈迴風流賴有潘懷縣一洗從前猿鶴哀

紫霄道中

山行積石路逶迤村徑成門逐處移一點炊煙生虎
穴四來暝色到牛衣畏人沙鷗飛南隴旁毋山猿戀
北枝鴈塔崔嵬臨畫嶠墨雲灑霽起方池靜秦昔別
留奇畫病可雖亡餘好詩秦畫松石于歸宗
壁間可為賦詩羊祜不
如銅雀妓蔡邕尚有虎賁兒世未甚知可而美慶開
尚人者學詩于可
顏欲效東籬醉栗里在歸
宗時旁真隱慙無谷口姿安得膏
腴盈二頃雍端喚取共扶犁

都城元夜

下三首從玉函山集以

斜陽盡處蕩輕烟，輦路東西入管絃。
五夜好春隨步暖，一年明月打頭圓。
香塵掠粉翻羅帶，密炬籠綃闋玉鈿。
人影漸稀花露冷，蹋歌吹度曉雲邊。

望西山懷駒父

次柏三言在前世語仍

去歲湖湘賦凜秋，聞君江國大刀頭。
百年會面知幾遇，十事欲言還九休。
照眼遙岑落懷袖，過眉拄杖立汀洲。
莫言青山淡吾慮，誰料却能生許愁。

日涉園集卷九

五言絕句

喚渡亭詩

宋李彭撰

風兼沙雨依約渭河邊，昔人曾喚渡絕唱頗清絲。

戲書山水枕屏四段

是年係乙未 先君在
同平友劉眉岸准所
編也本編以五卷以
對博學次抄此則本
向別以美多獨功
遂以卷五為其

江真皎鏡短艇戲鳴榔，無復機心動不驚。
鷗鳥行吟天南端，野約垂楊下蕭散。
策寒藤綠雲復觀化，排霄群木盡生意。
持杆坐石磯高懷在雲際。

復閣耿蒼煙斜暉掛木末，卷帆何處船危檣。
待明發大雪投宿園，通以野雪蓋精廬。
為韻賦五詩。

斜陽盡處蕩輕烟。輦路東西入管絃。五夜好春隨步
暖。一年明月打頭圓。香塵掠粉翻羅帶。密炬籠綃
闌玉鈿。人影漸稀。花露冷。蹋歌吹度曉雲邊。

望西山懷駒父

次韵三首在前此詩存

去歲湖湘賦凜秋。聞君江國大刀頭。百年會面知幾
遇。十事欲言還九休。照眼遥岑落懷袖。過眉拄杖立
汀洲。莫言青山淡。吾慮誰料。却能生許愁。

日涉園集卷九

五言絕句

宋李彭撰

喚渡亭詩

草風兼沙雨。依約渭河邊。昔人曾喚渡。絕唱頗清絲。

戲書山水枕屏四段

遙岑天南端。野約垂楊下。蕭散策寒藤。綠雲復觀化。
澄江真皎鏡。短艇戲鳴榔。無復機心動。不驚鷗鳥行。
孤峯上排霄。群木盡生意。持杆坐石磯。高懷在雲際。
復閣耿蒼煙。斜暉掛木末。卷帆何處船。危檣待明發。
大雪投宿園。通以野雪蓋。精廬為韻賦。五詩

Handwritten notes at the top of the page, including the number '10' and some illegible characters.

并書塗中所見

寒雪盡垂空玉色粲高瓦默默行五牙鬱靄望黃野
昔我游山陰雜花紛似雪重來雪作團遠樹皓已結
山翁雪垂素相逢乃傾蓋同看艷雪舞盡此威遲態
借問佩蒼玉何如煮黃精古來澗谷槩價自重連城
馬疲如客飢稅鞅文公廬人好雪亦好何嘗射洪烏

迎陽閣詩

扶桑有玉書鬱儀善相保朝暾到頽簷危坐填血腦

予夏中卧病起已見落葉因取淵明詩庭多

落葉慨然已知秋賦十章遣興

西嶺障斜日澄江來遠門歸鴉千萬點暝色入遠村
燕坐修白業焚香觀黃庭清霄降真侶彌節或見聆
境靜輪鞅寡堦空絡繹多蕭然正遐矚脫葉下庭柯
我初卧病時桑麻翳負郭扶杖延秋風山川俱黃落
寒溫機中素榮歇洞庭葉發興鷗鳥行風煙理舟楫
平生老驥心伏櫪端有在華月生夜涼南窓歌慷慨
園中有奇貨雨滿瓜芋田一飽吾已足望山思悠然
結交何用早士貴心相知苟合殊真味咄咄成乖離
林廬亦云樂欲語輒復已取琴撫徽絃妙不在宮徵
沅湘歌九辯梁父吟四愁虛齋無一事坐對楚江秋

太平小寺六言詩

行盡斜峯急澗忽看化寺神居雲瑣沉沉複閣旁看
貝葉遺書

昌書記畫梅

花柳春風紛衍禪窓晚放橫枝貌國生憎粉黛晚粧
淡掃蛾眉

夜坐兼戲環上人六言

蠹簡聊寬岑寂榴花頗慰榛蕪莫問草玄上白須令
看碧成朱

毛髮早驚蒲柳衣裾又變風煙我自一邱一壑君應
三要三玄

落木霜猿到耳風高候雁橫空覓句深憑料理解圍
俄聽晨鐘

昌書記畫馴猿

巫峽猿啼向曙云何却在樊籠想見珍羞拳養翻思
榭葉微風

庭梅

春風日日下邱園綠到萱芽蕨破拳莫怪庭梅晚來
好尚堪桃李興爭妍

寄詩贈擇言兩絕句

憶昨同傾三昧酒論文時掇有家衣百它年準擬蘭亭會好畫高人走遁師

逍遙儒墨兩專場萬遍蓮花嫁馬郎心若死灰詩欲盡乞儂西國更生香

擇言與參寥相厚善故戲作吳語戲之

舍弟彤檢校南庄刈稻中秋日作三絕句見

寄酌醉後偶次其韻答之

天南雲破玉繩橫上有蟬蜍雲外明共把一枯懷少雁新詩深悉未歸情

呼隣貫酒酒如冰以酒攻愁愁有城醉舞不須看短舞神清便覺映膚清

珍重江南庾子山詩名晚歲滿江關應須剝讀書千卷始在班楊伯仲間

答徐十贈詩

東湖高士有雲孫句夢池塘論過秦海內故人流落盡病夫杯渡不嫌頻

窗中山色撲衣襟戶外江聲醒客心我在山陰君在剡思君行坐短長吟

爐薰細細繞禪房竹日暉暉映短牆安得買鄰同歲晚鉢盂分飯共繩床

答謝邁秀才三絕句

飽聞玉樹堦庭長今見憑虛意欲仙
遣我池塘夢春草阿連風味極堪憐

短李門前無寧馨書淫詩癡類天成
多情喜有謝康樂步屨同尋鷗鳥盟

平生抱瑟齊門立不比吳宮誇靚粧
周鼎高盤甚淳古君來獨慰九回腸

答黃直夫二首

紅顏綠髮花映肉別去顏年存語音
秉燭相看真夢寐細聽存沒欲薰心

筆底瀾翻走百川曾中書傳作豐年
自憐疲馬老伏

櫪絕影如公更着鞭

次韻答九弟首夏郊園即事

疏泉方作薛蘿深月落參橫要共斟
徑醉逃禪直粲可冥搜得雋近韓岑

阿連句裡欲回春早慎論交思不群
莫願才堪任遺補來參折臂大馮君

營巢燕子語猶新接葉鶯雛已換春
催曉鳥鳥聲更樂直疑料理廢詩人

何須痛詆程不識未用親摩史謁居
昔時萬事愁眉外頓覺幽懷常晏如

再次韻

嬾覓新詩勸春住只愁塵爵每空斟餘酣晚漱沙汀
外未羨明登天姥岑

陳恬老作中州客少室晚猿聲念群通籍金閨成底
事看取九原冥漠君

古木千章夏陰合甕頭別作醉鄉春草玄不是楊雄
事定自免為投閣人

刀葵作瓠成畦壠奇貨由來果可居漢代封君渾未
稱故俟風韻擬相如

元亮次韻四絕相撩和答

枕中鴻寶裹蹄金火候曾經手自斟瓠子何傾那可
塞忍令清餓首陽岑

少陵獨見阮生論我樂窮鄉獨樂群西阮八龍渾可
擬操戈披靡獨輸君

久知甕底堪肥遯近覺樽中每着春狗竇相呼竟何
補獻酬故屬画眉人

仲子酒狂言語踈文章敢比茂陵君未見遠山堪病
渴直愁滌器枉相如

清明

汀草汀鷗解喚愁舍南舍北度鳴鳩深凭竹葉留春

住未信桃花逐水流
高柳半天渾欲眠二毛
苦上接羅邊興深杯杓懷山
簡勾夢池塘憶惠連
晚將麴蘖寄吾真不道公當怒
醉人欲學少年花壓
帽却疑花笑及花嗔

登耶舍塔

五峯羅列斗南垂百代堂堂歌紫芝
一老去為西伯
用四翁應笑北山移

春意三絕

屋角鳥呼春意回江花江柳自相催
廢詩詩思澁如

棘勾引無勞酒作媒

栽雲為柳雪為花
惱亂中年春意賒
庭宇風微教馴
鶴池塘日暖浴嬌鴉

日日映堦春草香
春風到處着胡床
梅梢何許蜂釀
蜜來採幽園官樣黃

題溫泉

能使時平四十春
開元聖主得賢臣
當時姚宋並燕
許畫是驪山從駕人

暉上人畫梅乞詩

微風正爾送荷氣
忽見鞏梅冰霰姿
元是道人三昧

力明窻激墨發南枝

西塔

峯前日出霧初散
谿上雨來禽亂啼
欲記曾遊三峽處
詩成賴有董膠西

睡起

林間穉竹猶含籜
柳下孫枝屢放綿
午夢不知清晝永
嬌鶯啼破晚窻前

奕奕柔柔霜後繁
綠絲無復蠶盆翻
願同園客蠶如甕
忍使疲民無複禫

鳥雀雄猜作伴飛
機心還復墮危機
何如絢練堂前

燕拂回銜泥點客衣

稱麥翻畦雉羽斑
郊園貫酒有餘歡
奈何苦雨傾滄海
坐遣南翁衣帶寬

石闕林端晝夜啼
羅生芳草綠成蹊
扶筇携幼出門巷
雨過舟橫水滿谿

戲贈行密上人

東風未解北風愠
腊雪半消春雪深
欲向僧房覓清晝
細聽山暝孤猿吟

次李儀中韻送果上人歸龍安

不作郊原雉應媒
心隨山色翠成堆
翩然一鉢自歸

去有意杖藜還復來

訪僧

茗盃薰爐久不來
曉猿夜鶴總相猜
故將野老扶衰杖
踏破僧家稱意苔

戲贈嗣譽二首坐

談禪高出瀉仰右
着論恥居生肇傍
更有新詩堪抵罪
與君約法定三章

僧中君是玉花驄
氣逸渾將入古風
欲向松窓翻妙語
愧無筆力到方融

病中即事

懶慢經時不出門
秋風藜杖稍相親
念君屬玉鳴碣岸
作伴蜻蜓上角巾
病厭鵝兒酒色黃
蔬盃終日似僧房
馴猿時復攘新菓
夕鳥飛來啄蠹床

初無勾漏為丹砂
何必青門始種瓜
口腹累人吾豈敢
深勞溪友餉魚蝦
啼鳥引子來衣桁
野鷺啣魚墮屋除
百念已忘餘習在
手持叔夜養生書
利口毀譽本無嫌
空洞腹中須屬厭
何用灞陵嗔尉醉
未勞漢署歎郎潛

畦間魁芋敵蹲鴟木末深懸大谷黎小摘已堪充米
價煨嘗聊用補朝飢

絡繹井幹空復啼蕭然脫葉望秋衰最憐庭下婆娑

檜鬱鬱已含梁棟姿

草閣柴扉舊逐涼蘋風一曲洒迴塘尚餘新月張敞

畫無復么荷韓壽香

籬邊日出撫孤松戶外雲生遮數峰避冷隨陽聞過

鴈催昏喚曙聽疎鐘

寒鴉銜枝欲定巢近同客食上林稍能逃歲德安門

戶出處懸應不浪交

紛紛眼界禿居士却著雲山壞衲衣箴孔綫溪無量

義誰能於此頓知歸

秦郎本是金閨彥撰次曾為仙董狐西狩獲麟雖絕

筆道山今日要真儒

韓侯數竒亦云極柰此風流英妙何傳聞東觀已著

作即看西掖與鑿坡

廬山道中

無復春風綠髮前索花共笑過年年只今老境花無

賴媒菓幽人作醉眠

崇苑灼灼眩清晝細柳依依迷遠村似聽淵明賦歸

去柴桑幽鳥語黃昏
三年不飲虎溪水一笑來嘗鷹爪芽岑寂仲堪談易
地祇餘蒼蘚藉殘花
董仙種杏令虎守只今但見蓮花峯練師欲作小隱
計餘力猶堪追祖風

憶昨山陰峯上頭山腰雲雨半含愁蒼崖壁立題名
處光怪時時射斗牛

蕭杙齋中天馬駒追風未試且幽居劇談挽我留三
日不費鷓鴣傳異書

不識西湖林處士飽聞陰木叫鉤輶茂陵遺藁今應
在索價雖高未肯酬
英姿秀骨徐尚書忠義丹青那可圖褒鄂真成毛髮
動猶將生氣壓曹蜍

北齋兩絕句

芭蕉葉大雨聲催葉底繁花菌蠢開欲據胡床呼作
炙膳夫何用探心來
煙莎茂密小池塘注水枯荷馥晚涼何許蜻蜓立荷
蓋驚飛作伴過東墻

對雪有懷廬山道中

傍窻幽鳥語忽忽雲陣群山雪輞風信有農談四隣

久隔籬煙火醉眠中

自和六絕句

麗日暄風下大荒
百花氣暖漢宮香
携幼來尋竹間
寺游絲寂寂繞迴廊

金屑琵琶刺繡裙
絃絃軟語怨昭君
仍年病著屏枯
盞酒興多於出岫雲

水荇蘆芽相緯經
倦飛翠碧暫來停
含毫未下無新
句安得毫端飛迅霆

蛙鳴廢沼金妍姿
破夢起看星斗垂
度曲安能高鼓
吹灑灰那復計官私

邊腹從來不貯愁
歸鴻目送頗悠悠
三吳何用憂狼
顧一戰行看擒狗偷

二季蒼顏催我老年過
四十眼猶明細字未能妨
老讀每逢佳處勝專城

再和

清朝畫省得名郎
嚼麝高談百和香
水鏡欣傳佳吏
部更須端委侍巖廊

仇池仙伯煙霄外
妙出湖州寫墨裙
晝永虛齋風動
壁枝枝葉葉欲生雲

劉侯白髮續群經
原夜憐渠不少停
齋恨沈皇今已

矣那知為電復為霆
珪璋挺特晁夫子家法文元萬代垂却袖當年醫國
手磨鈿起例只營私
且復持觴歌莫愁點衣柳絮晚悠悠要知境靜心自
遠不是年衰成語偷
平生愛花被花惱况復雜花川上明劔外參謀詩滿
眼乞靈何必錦官城

同李敵弟過南岸野寺

楊花糝徑雪繽紛短艇橫江煙草昏小鴈俱來覓春
事情知春過水南村

數日陰雨懷李生

衣裾蘭芷有餘清風骨冰霜照眼明欲共阿戎談絕
倒亦憎暮雨滴堦聲

文楸玉子知無敵愧我元非王積薪願賦煙茶不堪
剪風流文物不無人

燕領應須遊玉闕歸來綠髮看蛾冠他時爛醉紅鸚
鵡更跨追風鳥賀蘭

戲刺真收堂竹間

風微雨細花梢動日落鐘鳴雀語多未有池塘春草
句戲成湖外竹枝歌

小憩琵琶亭呈環中養正

南樓岑絕冠湖外舉扇每避元規塵廩公樓下落帆
處掀簸定為公所嘆
超超邁俗郭有道有孤事發如古人莫言壁立貧至
骨雞黍自是延嘉賓

山南濩落蘇季子飲作江潮雪陳來想到詩腸應作
崇挽回妙語如瓊瑰

戲呈子蒼

一杯相屬步兵酒三疊共聽中散琴有慨余心成獨
寫雨餘汀草晚來深

山郭遇鄭禹功行縣

廣文官冷飯不足行縣符移柅屢催避逅班荆作吳
語風姿峭峭絕纖埃

清曉登無相浮屠上有東坡書

窈窈龍蛇穴窟寬淮山楚水繞欄杆儋州宰木應搖
落八法猶參星斗寒

舟中戲作俳辭

皎齒青娥倚柁樓楚波微動晚風秋不辭自去迎菀
葉兩槳還須送莫愁

目成可意亦不淺思是羅敷舊姓秦莫道使君自有

婦願為解佩漢舉人

茯苓

憶昨舍邊松雪明于今偃蓋入青冥何時容我携長
鏡翻動龍蛇取茯苓

老坡自海外歸為書簡寂觀雲卿閣榜今為

殺風景者毀之

筆底颯風吹海波榜懸赫赫照崑阿十年呵禁煩神
物索爾焚榭滅札何

戲書

虐雪饕風春事晚輕紅未放入天桃即看倚杖花經

眼便許堆鹽黍雪毛

晴簷已復聽提壺濁酒聊堪釋荷鋤短短長長愛園
柳三三兩兩數谿魚

溧井寒泉徹底清不容私地有蛙鳴脩除何獨充庖
易要看籜龍將雨行

止酒廢詩春晝長頗知易戒復難忘戲於窻下還詩
債便欲花前喚索郎

次韻文潛立春三絕

臘前漏泄有官梅春色懸知裏許回日涉園中聊步
屨黃菘早韭復爭開

后皇司春生意還無知草木亦班班願憐綠髮添華
髮羞插耐寒花上慵
舉酒徵賢且合娼盤殮野菜鬪嘗新陽春有脚今誰
是始覺前朝貴老身

延福寺詩

尋盡雲山發興多稍知蘭若在巖阿不以姬姜棄憔悴杖藜聊復一來過

齊安江頭別何氏兄弟舟中得四絕句

踈星牢落散江東悵望夷猶醉眼中長年三老相歡
得故將短棹指西風

八字山頭閱世故周郎赤壁斷人腸玉魚金枕皆冥
寞鐵騎樓船墮渺茫

樂群野鷺巧相依旁母見雛肯浪飛怪底相連若者
舊木人花鳥自忘机

巖巖五老古鬚眉似對幽人歌采薇漢事煩公卒調
護蒲輪飛詔盍來歸

留別小度

風催萬壑雨歸去雲閉連峯不放晴門外從教春水
澗杖藜準擬聽江聲

過盡柳花無復綿幾畦麥浪漲晴川幽禽喚起醉鄉

夢疑在故園茅屋邊
生綃他日寫荒寒咫尺渾如萬里寬
我據筍輿煙霧裏有人應作畫圖看

對酒二首

頗欲持觴為上頓直疑買醪成大偷
盜中麴蘖可肥遯不比終南猿鳥愁

雄猜刻薄王處仲不飲思欲誅娥眉
何如一醉睨萬物小黠向來成大癡

夢秦處度持生絹畫山水圖來語予
此畫劉隨州詩也君為我作詩書其上
夢中賦此詩

隋州句法自無敵寫作無聲絕妙詞
誰料長城千載下秦即復出用偏師

歲晚四首

天長候鴈作行遠沙晚浴見相對
眠松醪朝醉復暮醉江月下弦仍上弦
汪侯曾次閣瀟湘秀潤清時符寶郎
謝宇憲間仍發興故亭山下屢成章

苦憶中州向子期微官鐫畫賦新詩
清班未許聯天仗直指聊看着繡衣
眼看楊柳漲春風忽復山明雪映松
但把一尊扶醉

病何須三揖送文窮

茅堂清坐有懷元亮

不到青園三月餘
行間茂密見新蔬
最憐鼠迹生廬
案復有潛筠穿我廬

有懷雪堂舊游

雪堂楊柳三五株
堂裏先生萬世無
伐樹何人成糞
土如聞築屋復栖鳥

柱史秦郎無檢幅
筆端真有大夫辭
追懷耆舊誰能
繼况復賞音黃絹碑

張侯瞻蔚氣如虹
字字追還西漢風
歎向俱為泉下

士辭林正派絕流通

陳子真成病乘黃
園丘一仆殆堪傷
苦吟幽語多奇
澁未免人譏急就章

柯陂潘子骨已冷
文采風流付陸雲
不見十年應好
在酒澆邊腹貯皇墳

珍重何家大小山
高文麗賦敵楊班
書來慰藉江頭
別想見園林人外閑

離曲池憇中口

小泊曲池桑柘陰
遠墻岑寂伴高吟
孤雲兩角真在
夢一抹寒林古木深

野僧亦復稻畦衣
兩兩三三中口歸
拂拭涪翁刑部句
晚風吹泪對斜暉

物色真成行畫圖
十年對面不供書
才慳更著李商隱
無復重譏獺祭魚

林占處士和靖先生之孫也與予厚善今死

矣作兩絕句弔之

愛君渾似金華客
謂我猶堪供奉班
蕭寺愚溪兩冥寞
一尊聊復對西山
危脆芭蕉何足道
姓名今不減西湖
茂陵遺藁他年在
曾有書言封禪無

久不得六弟消息二絕

去日么何拳未舒
水花高蓋已扶踈
大醫法窟應尋徧
有底能忘一紙書

平生大敵劉文叔
每發一兵鬢為蒼
不得淮南近消息
蕭然添我鬢毛霜

遊雲居寺三絕

茗椀薰爐久不來
曉猿夜鶴絕相猜
故將野老扶衰杖
踏破山家稱意苔

去年重失洪崖約
今日又寒徐稚盟
勝日幽期無惡客
尋僧銀色界中行

燕坐身遊水晶城
夢回心淨玉壺冰
更聽夜雨簷花

落却是細泉幽竇傾

代二螯解嘲

矐儒它日倦龜殼蛤蜊自可破愁顏不似二螯風韻
好那堪把酒對西山

解嘲

平生癡絕百無憂黨友相嘲顧虎頭癡黷胃中各相
半要之與我不同流
丘林久矣自耘耨罕識心勞爪芋區不復論文傳幼
傳安能索筆著潛夫

西隱觀

書籤無復梁蕭統像設空餘譚紫霄馴鹿將麀眠藥
圃歸雲帶雨度山椒

離豫章進賢道中

春在江村桑柘中多情十日雨無風杜鵑北向勸歸
去我為故人聊欲東

招隱亭詩

裊裊秋風生桂枝小山巖壑石逶迤王孫歸去歲將
晏莫學矐儒炊屨屨

鄰雞

鄰雞午唱靜中譁挾雨蒼苔傲落花已覺星星鬢邊

出真成一倍惜年華

醉中戲次師言韻兼簡少逸

不覺龐公隱鹿門逢場作戲任吾真風煙久著裘蓬
鬢脫帽公應恕醉人

筆下疾雷驚四鄰勒兵小試頌聲新司空城旦餘波
爾六籍紛紛并大春

往日風流京兆眉却穿習薄敗荷衣新詩渾作鶯花
語只欠天街便面歸

愧乏金椎控頤手偷兒何苦向人來囊空四壁亦云
靜祇有丹鉛勸玉杯

次韻九弟過炭婦兼懷微公之句

阿連衝曉絕江濱驚起江汀鷗鷺群不為營巢祇覓
句真成拄頰玩幽雲

頭陀雲外見遙吟爭似鷗峯雲物深想見伊蒲欲為
供渡生茗盃憇墻陰

次韻九弟幽園即事

萬事向來元不理非閑軒傲相違幽園把菊初無恙
未歎將蕪胡不歸

孰知卜築野人居飽聽鄰鐘與粥魚便覺悠悠雲入
座只無漉漉水鳴除

次韻正平見贈道子遊山北勝處

山南山北似壺天
雨宿風飡近日邊
噉噉猿啼石門
路此身渾是謝臨川
佳句全勝顧虎頭
千巖萬壑斬新秋
歸來把玩無窮
意始信遙天寄客愁

次韻九弟五絕句

遠韻會須真邁往
高懷那用太鮮明
病夫閱世蓋多
矣說病由來非妄情

草際窻間蟋蟀鳴
愁來無路敵方城
却憐郢客悲秋
賦強使微雲滓太清

谷水為簾映暮山
珂珠貝玉妥天閑
傳聞小陸同支
遁遊戲蒼崖鉅壑間

沙鷗日日滿蘋汀
白髮忘機不復驚
何處暮帆來浦
口背人飛帶喚雛聲

橘花莫莫玉花深
屢起微霜落爪心
喜有青黃著籬
落千頭未羨滿寒林

哭尚書墓

過年上冢非無子
宿草孤墳獨可悲
賴有立朝莊語
在不勞諛墓作銘詩

種竹當年語尚新
藏山萬卷總成塵
牙籤知落誰家

去往事淒涼欲損神

遊雲居四絕

雞林磨衲度情溝海外風煙在上頭
箴孔線蹊誰善幻千巖萬壑斬新秋

懸崖怒瀑落龍湫恰似王師破蔡州
續蔓沈竿空莫惻石魚酒舫未應求

壞衲槃跏玉澗翁負霜禿鬢頰暎紅
時時口上東坡語頓覺曹劉力未工

冉冉山雲低度墻涓涓流水響長廊
不綠抱病閑鬲冷早賦式微緣底忙

寄鄭禹功魏虞卿

杖藜徐步依柴扉園柳青青馬尾垂
日暖遊絲繁落絮黃鸝御得上南枝

衆草風來俱掩冉驚紅駭綠鬪年芳
崇蘭秀發北窓下燕坐時聞自在香

苦憶茗溪鄭廣文足驚豪翰獨超郡
山南飽看懶行縣笑殺無心出岫雲

虞卿再見封萬戶三語掾曹駒伏轅
北海會須加慰薦橫空一鷄看騰騫

蕭子植建茗石鈿石脂潘衡墨且求近日詩

作四絕句

寶犀新胯西巖冷碾出壑源春雪花何用纖纖捧渠
椀絕勝片片勻流霞
良工刻削類方城煮茗細看秋浪驚未許兒曹輕度
量豈容奴輩笑彭亨

蒼崖絕壁長瓊腴靈府煩蒸藉掃除老楮群雞甘下
筋垂龍左耳避珍蔬

遠灶積烟烟更多絕人妙手不同科蕭郎餉我客卿
輩遠愧山陰書換鵞

寄臨川諸舊魚悲二謝

晏如雅瞻志沉鬱詩語松風萬壑哀皮裏陽秋能刺
舉眼邊青白免嫌猜

董侯本是古沉冥風味澹然雲水僧見說修門和氣
滿何用涉江歌採菱

何侯嗜學黃鵠舉謝客哦詩丹鳳鳴急雪異時登擬
峴放歌何日酌宜城

半岳摧峯冷二謝孤墳宿草已蒙茸自歎蔡邕今老
矣銘言獨不愧林宗

寄何氏兄弟

病語無心復借秦護持白業五臺賓往時赤壁好風

月俱助兩郎詩句新

青州從事懶行縣白水真人不造門時作藥山遮眼
計尋僧煮茗過祇園

次韻山谷寄賀鑄

平生賀監毛髮古風流歎詠付啣盃賴爾雲孫亦不
惡山陰氣味喚仍回
淮海維揚萬人傑松吟宰上不能杯雖無橫州過秦
論猶有清歌慰久回

客廬山道中寄中上座

谿山軒豁逐時新草樹欣欣雨後春弄水看山添野
興可憐魚鳥自相親
著行官柳拂人低勾引風光挽客衣正是斜川春事
起翻思戴月荷耒歸

紫霄獨立冠遙岑靜愛雲無出岫心見語危梁耿大
壑欲招惠遠與同尋

顏魯公祠

心正能令筆不軟銀鈎猶冠古今奇凜然一代英靈
氣猶似當年罵賊時

鄰寺遣興三絕句

蠻花簾冷春氣分午醉醒尋野寺門黃落遠林供倚

杖却疑殘照是朝暉
映堦駁蘚漫層層古柏連螭上老藤梵鼓粥魚今落
莫半歸官焙半殘僧
脩源一帶碧灣環上有江西淡竚山便覺心塵隻寂
寞不愁騎省鬢毛班

遣興兼寄豫章二弟

國士無雙有山谷斗南獨步憶秦卽鸚鵡洲前多勝
日古藤陰下夜何長
獨持杯杓酌先酒遺我此物忘百憂乞靈鮑謝共傾
倒况復隔牕懸三鈎

龍沙季子在原樂不肯附書黃耳來滕王閣上覓佳
句鐵柱觀頭行幾迴

卽事

勸聽戍鼓繫銅龍卧待當軒葉底風暝鳥忽穿明月
去直疑便面寫歸鴻
左界明河夜未央輕風洒面作微涼藏舟在渚者誰
子欵乃歌聲短復長
紛紛著作能上馬袞袞紫微俱斲窻韓侯遽縮銅章
去豈坐獲流帶二江
我覲之子秉周禮要使諸儒識漢儀側席求賢天子

聖未容擇畔弔湘纍
眼看花霧共衣霏已有群鶯窻上飛
心事但隨春事盡
鐘聲更伴鳥聲微

題醉書

醪醑奪目表春餘
閑雅雍容亦甚都
睥睨園林衆芳歇
持觴耐久作歡娛

稚子滿林春笋生
殘花老境尚多情
瀟洒封侯真有自
竒姿未讓惑陽城

湛湛胷中萬頃陂
翻疑淺器是牛醫
從來未許愁知處
願肯因愁福一作移面皮

送溥軾二上座

密掩柴門斷還往
道人履迹破蒼苔
青燈相對語離夜
况復打窻風雨來
上人定自有佳處
眉宇翠氣連湖山
烟邊候雁着行急
力挽不留相與還

漫興

真牧堂前花草新
舍南移就一番春
非關瘠魯欲肥杞
直恐強齊將弱秦
梅花冷蘂發踈枝
雲斷天南放目暉
亂折寒柯有幾鵲
啣將綴作百家衣

歲晚漫興

天長候雁作行遠沙晚浴鳧相對眠松醪朝醉復暮
醉江月下弦仍上弦

幽園風雨

妙手春工如畫史鵝溪百幅掛城隅却將李成驟雨
筆揜映邊鶯花鳥圖

竹間兩絕句

鳥聲催得青春老花氣渾忘白髮新誰復能尋三徑
友信知真是五台賓
何許晚鐘烟雨餘花間蛺蝶舞遽遽莫將絕壑激流

齒戲誦文園封禪書

自西林投宿歸宗

江都著足寫餘酣頗怪朝暉變夕嵐我與諸峯俱是
畫解隨歸鳥過山南

遣心絕句奉寄洪七校書并二何

黃綬何勞坐謗書諫垣渠自有牽裾鄙夫捫腹拙然
咲知是元無免除

晚飯芹羹當食牛杖藜徐步勝驂駒懸鶻破帽
顏夫子何似爛羊關內侯

籬外木奴初弄黃摘來漸帶洞庭霜似聞歌罷

紫芝曲疑是秦

藏

僂耳歸成地下郎門人時炷帳前香

侯貌古心亦古

杖拂應來坐雪堂

翻經臺

從玉洞山系抄入

五千餘卷在高臺內史翻時蠟屐來夢斷池塘人不見
年々春草綠成堆





